

玉玦记

郑若庸

文硕阁

wenshuoge.com

目录

关于我们	3
●玉玦记目录	5
第一齣~第十齣	7
第十一齣~第二十齣	25
第二十一齣~第三十六齣	43

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

●玉玦记目录

第一齣 标题

第二齣 赏春

第三齣 博弈

第四齣 送行

第五齣 接诏

第六齣 访友

第七齣 忆夫

第八齣 入院

第九齣 行刺

第十齣 祝寿

第十一齣 报信

第十二齣 赏花

第十三齣 设誓

第十四齣 掳掠

第十五齣 定计

第十六齣 访姨

第十七齣 投贤

第十八齣 截髮

第十九齣 赴试

第二十齣 观潮

第二十一齣 对策

第二十二齣 改名

第二十三齣 接望

第二十四齣 传旨

第二十五齣 梦神

第二十六齣 掳忠

第二十七齣 侵南

第二十八齣 交兵

第二十九齣 商嫖

第三十齣 渡江

第三十一齣 索命

第三十二齣 阳勘

第三十三齣 诏封

第三十四齣 阴判

第三十五齣 宿庙

第三十六齣 团圆

第一齣~第十齣

第一齣 标题

【月下笛】〔末上〕日月跳丸。黄花绽了。几番重九。英雄袖手。阻风云。困圭窰。閒将五色胸中线。杂组悬河辩口。贵坐间谈虎。惛然神变。试教霑袖。

和璧悲瑕垢。恨红殒啼花。翠眉颦柳。扬州梦觉。是非一笑何有。从来敏德多畦径。爲看盘铭在否。这优孟讽谏君听取。谩嘲悠谬。〔问答照常〕

【满江红】钜野王生。阀阅裔。腹胞琳球。长安下第羞归。去。向狭邪游。薄倖娼楼。多情才子敝貂裘。遇吕公馆穀向芸窗。还自修。

降虏将。成畔谋。统胡骑。陷神州。把令妻秦氏。繫作俘囚。妇守三从甘毁面。夫终一举占鳌头。拜勋封重会癸灵庙。作话留。

戒烟花倾家殒命。

表贞烈截髮毁容。

临安郡书生雪耻。

癸灵庙玉块重逢。

第二齣 赏春

【逍遥乐】〔生扮王商上〕静裏光阴好。桀戟门庭春至早。浮名于我等鸿毛。文抒日采。志拟崧高。气压江涛。

〔生〕〔鹧鸪天〕家世韦平身业文。金貂文武袭馀芬。直教纨绔能传緒。未许杨袁竞策勋。词倒峡。气凌云。待将长剑学从军。狂来醉墨纵横甚。书破羊欣白练裙。卑人王商。表字说济。世家钜野。皇朝学士禹禰之后。先君王粉。官拜户部侍郎。母封沛国。不幸俱丧。朱轮华毂。未坠家声。黄卷青箱。请存世业。念良弓之子。耻不爲箕。履既留之馀。惭非肯搆。安敢望河汾之誉。且幸免平泉之讥。妻房秦氏庆娘。荆襄鎮抚秦贞之女。德性幽柔。工容閒冶。慎周南苹藻之职。兼衛女衣裳之能。正是室家攸宜。琴瑟静好。青春无事。欲往郊外游赏一番。且待娘子出来。试问则个。〔旦扮秦氏上旦〕

【遶地游】春眠乍晓。处处闻啼鸟。问开到海棠多少。〔生〕章台路渺。何处无芳草。想甚日游还到。

〔旦〕昨夜鸟声春。惊鸣动四邻。〔生〕今朝芳树下。定有咏花人。〔旦〕官人万福。〔生〕娘子拜揖。〔旦〕官人。流光迅速。纔过元宵。不觉花朝至矣。〔生〕你看红入桃花。青归柳色。真个好风景也呵。

【集贤宾】〔生〕青归柳叶颦尚小。春容渐入庭皋。绮罗馀寒惊料峭。看映日檐花迎笑。朱门静悄。帘幕上红尘不到。〔合〕琴瑟好。何处是玉京瑶岛。

【前腔】〔旦〕彤光影彻芳砌晓。幽禽独语红条。飞去花枝空嫋嫋。正粉蝶黄蜂争闹。蛾眉淡扫。似窈窕河洲匹鸟。〔合〕琴瑟好。何处是玉京瑶岛。

【琥珀猫儿】〔生〕寻芳车马。应已遍西郊。处处吹笙醉碧桃。红楼十二倚春娇。明朝。好趁佳辰。办取游镳。

【前腔】〔旦〕韶华逝水。届始在春宵。蠹简萤窗莫惮劳。董帷经史夜焚膏。明朝。好趁天风。直上青霄。

〔生〕娘子。乘此春明。小生欲待整理鞍马。踏青游衍。意下如何。〔旦〕官人。岂不闻纵欲败度。积学成身。君当努力青云之业。上绳祖武。岂可无事漫游。玷辱家声。况且今年大比。何不上京赴选。图个显亲扬名。却不是好。〔生〕娘子言之极当。即便治装。卜日启行。〔旦〕如此恰好。

【簇御林】〔旦〕君才气。倚马豪。吐虹蜺。星斗高。荆山何事空怀宝。振书香再把箕裘绍。〔合〕免游遨。驱车上国。云水路迢迢。

【前腔】〔生〕司唐制。珥汉貂。料天池。有凤毛。泥封方下徵贤诏。绝南溟未许神鱼诮。〔合〕免游遨。驱车上国。云水路迢迢。

〔生〕圣学工夫惜寸阴。

〔旦〕且从无逸戒荒淫。

〔合〕从今献赋甘泉去。

不信无媒魏阙深。

第三齣 博弈

【光光乍】〔丑上〕生不荷鋤犁。触处落便宜。算来都只爲蠅头利。受尽了他人閒呕气。

〔丑〕自家临安城中一个浪子解帮閒。家无二顷田。口有三寸舌。走动处花林锦阵结交的酒友博徒。念几句落堑眞言。饶你汉张飞。终难跳过。奉一个迷魂太岁。由他楚屈原。不得独醒。九里山阵图。比俺纵横的圈套。五丈原妙算。输俺啜行白机关。许人话捉影追风。骗人财探囊取物。〔笑介〕说甚么万法皆通。只落得一贫如洗。饶君纵有千般计。命裏无时莫强求。自家一生专好帮閒鑽熟。这几日全没买卖。有个咎喜员外。是个大财主。极要嫖赌。待寻俺结义哥张鬼熟同去。赚他几两银子。呀。却早望见张哥来了。〔末上〕

【醉落魄】终朝糊口无恆计。求鱼缘木竟何济。閒心欲与海鸥期。知甚日忘机。

〔末〕出去般般足。归来日日贫。一生都是命。半点不由人。〔丑〕哥哥拜揖。〔末〕兄弟拜揖。〔丑〕哥哥。这几日不见你。却元来去做贼来。〔末〕那有这话。〔丑〕你纔说出去搬一搬就足。归来十日又贫了。却不是做贼的勾当。〔末〕不是。我平生专靠帮閒掇赚。每日出去寻着个贵游公子。喫的用的穿的都趁了他的。这是般般足了。将得些家来。又不勾用。却不是日日贫的。〔丑〕有理有理。外有馀而内不足。堂堂乎张也。我的受用与哥哥不同。〔末〕且说喫的。〔丑〕鯢鼈脰鲤。嘉肴大具。熊掌鸡■〈后〉。猩脣燕髀。每食三万般。犹云无下筯。〔末〕好好。只怕你食而不知其味。〔丑〕那裏得到口。每日街坊上遇着尙食监。赐饭与大官人家。打我身边过。被我一嗅。都打从鼻子裏去。其实闻而知之。〔末〕又道是风来饼裏香。穿的如何。〔丑〕雉襦狐白。具文蛟梭。冰蚕独茧。羔羊五紵。缟袂宜纨素。轻衫厌绮罗。〔末〕好好。只怕你服之无斲。〔丑〕那裏得上身。我的兄弟是个裁缝匠。每日出去。人家做了些绫罗锦绣。家来说长说短。都被我听了。却像是我的一般。这是耳热于纨。〔末〕又道如闻裂缯声。用的如何。〔丑〕大具南金。骊珠璞玉。玄龟象齿。朽贯腐粟。钟乳三千两。胡椒八百斛。〔末〕好好。只怕你爲富不仁。〔丑〕那裏得入手。我家对门开典库的。但见了的便家来与妻儿说。至今还说不尽。这是开口见钱。〔末〕又道随何舌在是黄金。且莫閒说。这两日有些生意没有。〔丑〕便是不济。如今咎喜员外。京城中第一个财主。专好花酒赌博。挥金如土。我和你到他家裏。只说你要赌钱。设个计儿。哄他些银子。却不是好。〔末〕承挈了。〔行介丑叫介〕咎员外在家么。〔淨上〕

【光光乍】〔淨〕宝炬照蛾眉。花蕊亚帘衣。日高丈五时方纔起。鸚鵡忽传声闻客喜。

〔淨〕京华游侠儿。由来富鎡基。金多贱于土。挥霍鬼可欺。手不把书卷。身不擐

戎衣。春来日日出。服御何轻肥。朝从博徒飲。暮有娼楼期。指廩償酒債。堆金选蛾眉。声色狗马外。其馀一无知。自家咎喜。夜来赏花醉了。今早起迟。不知甚人来到。呀。解大哥。〔末丑云〕员外拜揖。〔淨〕二位拜揖。此位是谁。〔丑〕涌金门外张兄。倜傥多能。尤善博弈。〔淨〕贵表。〔末〕混名张鬼熟。〔淨〕久闻久闻。〔丑〕员外。张兄久慕高风。今日一来拜望。二来欲与员外弈。不知可否。〔淨〕最好最好。待我去取一千两银子来。〔末丑〕不要许多。〔淨〕少也得五百两纔勾。我去我去。〔末〕兄弟。我两人没一文在此。怎么好。〔丑〕不必多说。自有道理。〔淨〕博弈从来惯。输赢总未真。解兄。银子在此。张兄有多少。〔丑〕张兄才带五百两银子来。随从的驮了跟不上。少间便到。员外且借一百两与我们应手。〔淨〕使得。〔与银介末丑接介淨〕把甚么赌。〔丑〕张兄善围棋。〔淨〕围棋也好。赌一百两。〔丑〕只好五十两。〔淨〕也罢。就只赌五十两。〔取棋枰介〕

【皂罗袍】落子声迟瑶砌。看身如蝟甲。兀化难移。宣城得守未云奇。淮淝破敌方爲喜。〔丑〕员外输了。〔合〕雌雄胜负。兵家怎期。盈亏得丧。天心有机。何妨百万输刘毅。

〔淨〕围棋不好。解兄。我与你打双陆。百两一注。〔丑〕这也好。〔淨〕取双陆来。〔取双陆打介〕

【前腔】〔丑〕再把樗蒲閒理。歎点筹帝子。作鉴宫闈。马箠未毁莫言归。猪奴枉诮尤堪戏。〔淨〕我双陆不高。又输了。将去将去。〔合〕雌雄胜负。兵家怎期。盈亏得丧。天心有机。何妨百万输刘毅。

〔末〕既然如此。我与员外掷骰子。再赛一百两。〔淨〕这个又好。〔丑〕取骰子来。〔掷介〕

【前腔】〔末〕莫诧咸阳客里。且狂呼博赛。五白称宜。玉纤深裏忆名姬。绯衣骤跃惊纯雉。〔丑〕张兄胜了。〔淨〕与你银子将去。〔合〕雌雄胜负。兵家怎期。盈亏得丧。天心有机。何妨百万输刘毅。

〔淨〕不信偏我会输。拿象棋来。我与张兄一局。就这一百五十两作孤注赌了罢。〔末〕就是就是。

【前腔】〔淨〕车马森然成势。俨鸿沟楚汉。犄角相持。沉机告捷并陞麾。神姦入梦邯鄲骑。我又输了。都将去。〔合〕雌雄胜负。兵家怎期。盈亏得丧。天心有机。何妨百万输刘毅。

〔淨〕你二位且住。我再取一千两与你赌一赌。〔丑〕员外。天色已暮。愚弟兄告

回。明日再来相陪。〔淨〕不可失信。

〔淨〕花影庭阶日易晡。

〔丑〕一番清话又成虚。

〔末〕等閒百万逢场戏。

〔合〕莫问家无担石储。

第四齣 送行

【一翦梅】〔生旦同上生〕膏车秣马起长征。莫诉离情。添我离情。〔旦〕揽衣推枕听鸡声。欲问登程。怕问登程。

〔生〕海棠风外独沾巾。千里云霄未致身。〔旦〕忽见陌头杨柳色。安排青眼送行人。官人万福。〔生〕娘子拜揖。〔旦〕官人。闻说今日起程。未知真否。〔生〕行李已具。即日便行。〔旦作悲介〕伉俪之爱。情不能舍。功名之事。义不可留。教奴家如何是好。〔生〕小生此行。功名成否。不过半载。即便回家。不须烦恼。〔旦〕春英。将酒过来。〔丑〕悽悽命盃酒。言饯千里游。行人虽念路。爲尔暂淹留。酒在此。〔旦递酒介〕

【三学士】〔旦〕阆苑蝉联知有幸。扶摇好荐鹏程。当思貽穀三槐在。莫负还鄉驷马行。〔合〕飲饯临岐心耿耿。归来后喜气生。

【前腔】〔生〕青镜孤鸾愁舞影〔旦〕官人须是频频寄书。〔生〕书封雁足难凭。怜余尚惜牵衣别。慰子终朝佩印行。〔合〕飲饯临岐心耿耿。归来后喜气生。

【前腔】〔丑〕待价藏珠未可轻。一朝持献明廷。碧山肯爲移文耻。白马终看奉诏行。〔合〕飲饯临岐心耿耿。归来后喜气生。

〔生〕不须酒了。小生就此起程。〔旦〕官人因慕轩冕之荣。故割房帏之爱。瞥然去眼。宁不伤心。莫恋章台。不思故国。妾有玉玦。赠君佩之。若得成名。决须早回。勿使妾有白头之歎。〔生〕玉玦在身。如覩卿面。勿庸多嘱。断不淹留。就此拜别。〔拜科〕

【香柳娘】〔生〕念匆匆远行。念匆匆远行。含悲自省。天涯已在须臾顷。〔旦〕

我愁烦倍增。我愁烦倍增。鸿迹等浮萍。银瓶怯修绠。〔合〕听阳关泪倾。听阳关泪倾。殷勤渭城。不堪孤另。

【前腔】〔旦〕想凄凉怎生。想凄凉怎生。绮罗春静。枕花红泣鸳鸯并。〔生〕怕清宵漏永。怕清宵漏永。绣被拥鸡声。梨花月痕冷。〔合〕听阳关泪倾。听阳关泪倾。殷勤渭城。不堪孤另。

〔生〕白首萤窗未见招。越山无路水迢迢。〔旦〕自从车马出门去。便入空房守寂寥。〔旦下生弔场〕伤离复伤离。别后增鬱纒。戚戚意不伸。转顾仍踟蹰。不知马在何处。王便那裏。〔未挑行李上〕迢递京华道。苍茫日暮天。马在此。请官人便行。〔做行科〕

【香柳娘】〔生〕把金鞵乍整。把金鞵乍整。满前孤兴。马蹄香散飞花径。听嚶嚶鸟鸣。听嚶嚶鸟鸣。芳草最关情。萋萋织烟暝。〔合〕想临安玉京。想临安玉京。双龙紫庭。红云遮映。

【前腔】〔末〕歎驱驰未宁。歎驱驰未宁。苍苍暮景。垂杨古渡黄尘迥。望炊烟已青。望炊烟已青。樵斧隔林声。斜春半村影。〔合前〕

〔生〕问酒依山館。

〔末〕相将慰旅愁。

〔合〕应时还得见。

胜似觅封侯。

第五齣 接诏

【西地锦】〔外上〕戎马关河云扰。戮力誓灭天骄。一封未下彤庭诏。目断魏阙峣峣。

〔外〕建牙吹角不闻喧。乱世登坛衆所尊。家散万金酬士死。身持一剑答君恩。下官姓耿。名京。山东人氏。少谙韬略。起自草莱。不幸遭值胡虏猾夏。犬羊充斥。中原板荡。乘輿播迁。迺来倡义起兵。志图匡复。手下将士总管张安国。勇敌万人。可当韩信。监军辛弃疾。才称七步。不亚陈琳。被吾杀败金酋猛安。夺了东平府。假称刺史。掇守此邦。已曾遣监军到临安上表。不见回来。不免叫总管试问声息

如何。〔叫介淨扮张安国上〕莲花穿剑镞。明月掩刀环。坐待空沙漠。功成闭玉关。覆元帅。有何钧旨。〔外〕这几日金兵消息如何。〔淨〕闻得金人南侵至扬子江。被虞允文杀败了。〔外〕可喜可喜。如今辛监军临安上表。待他回来。闻知大驾行在整搦人马。大进勤王。

【赏宫花】〔外〕鸾舆望遥。櫜枪照夜高。枕戈图国计。擐征袍。〔合〕拜爵可期班定远。成功不数霍嫖姚。

【前腔】〔淨〕宫牆野蒿。咸阳王气消。一射聊城箭。耻儿曹。〔合〕拜爵可期班定远。成功不数霍嫖姚。

【前腔】〔丑〕羣胡正骄。风尘入混淆。三军张武旆。逞英豪。〔合〕拜爵可期班定远。成功不数霍嫖姚。

〔外〕张总管。且到教场演习军马。〔淨应介〕得胜莫忘战。居安当虑危。〔淨下末扮辛弃疾上〕

【西地锦】〔末〕龙袞得瞻天表。辕门又睹旌旄。马蹄历遍关山道。尘土染尽征袍。

此间已是帅府。不免迳入。〔外〕辛监军回来了。〔末拜云〕元帅。久违帐下。无任惓惓。〔外〕监军。途路风霜。多有生受。此去事情若何。〔末〕容禀。

【降黄龙】〔末〕衔命趋朝。天限长江。几重云峤。〔外〕路上有胡骑么。〔末〕干戈满地。犯虎狼得藉。武林京兆。〔外〕都中风景如何。〔末〕萧条。翠华游幸。正返锺山旗旄。〔外〕且喜圣驾已从建康回了。你上表如何说。〔末〕已铭功旂常彝鼎。宠封将到。

【前腔】〔外〕迢遥。子独贤劳。草昧风尘。信由天造。星轺遄往。念几番役役。委迟周道。〔末〕元帅领兵。还有金酋犯境么。〔外〕还教。倒戈攻北。喋血东蒙原草。喜清宵月明刁斗。四郊宁好。

〔淨上报云〕黄麻多册拜。细柳忽传呼。告元帅。圣旨到了。〔杂扮使臣上〕

【神仗儿】〔衆〕天常倣扰。遭家不造。恨豺狼当道。匡复元功不小。传锡命。下丹霄。下丹霄。

圣旨已到。跪听宣读。诏书勅摄东平刺史耿京。朕惟崇德报功。帝王盛制。顷者履兹不靖。国步惟艰。肆彼犬羊。污我疆宇。朕实耻之。尔耿京勤兵薄伐。克复山东

。邹鲁之邦。不沦左袵。功曷懋焉。已命书勋太常。俾世世爲义者劝。可进爵天平军节度使。仍知东平府。锡以赤凤宝刀。金印玉节。辛弃疾张安国并进二阶。宜令准此。谢恩。〔衆拜谢科〕

【降黄龙】〔外〕遭遇皇朝。国步艰难。犬羊纷扰。衡茅下贱。痛坂疆割裂。恨萦怀抱。〔合〕难饶。毁夷宗社。不共戴天须报。整戎旃勤王倡义。早成忠孝。

【前腔】〔丑〕功高。已格璇霄。一面金汤。俨然堪保。黎民安堵。汉官仪复睹。口碑盈道。〔合〕难饶。毁夷宗社。不共戴天须报。整戎旃勤王倡义。早成忠孝。

【黄龙滚】〔淨〕双环赤凤刀。五彩回鸾诰。〔外〕宠锡荣加。版屋增光耀。〔合〕胡尘荡扫。中华再造。盟带砺。勒鼎钟。登廊庙。

【前腔】〔末〕冠裳愤未消。葵藿诚难效。〔外〕红日重扶。率土穷临照。〔合〕胡尘荡扫。中华再造。盟带砺。勒鼎钟。登廊庙。

【尾声】微躯莫惜沙场老。看破竹先声传譟。办取忠眞答圣朝。

〔外〕拟将功业勒燕然。

〔末〕会见三军奏凯旋。

〔淨丑〕闻说君门在天上。

〔合〕乘槎直犯斗牛边。

第六齣 访友

【步步娇】〔生上〕客馆流莺啼春去。梦断愁千緒。花飞故苑空。一片云山。把人遮住。何处寄双鱼。便缄题愧杀泥金缕。

〔如梦令〕〔生〕帝里衣冠辐凑。滚滚英雄入彀。掩面笑刘蕡。肯信明珠不售。铜臭。铜臭。莫问夏卿怀袖。王商自从离家来此指望功名成就。不想下第。羞归故里。幸得囊有馀赀。且只得在此京中游乐几日。再作计较。正是冶金终耀谁能识。径中无媒我自惭。

【前腔】〔生〕五色日华空成赋。奈苦李无人顾。惭非贵主奴。八翼天门。竟悲岐

路。桂玉久难居。怕缁衣染却京华土。

王便何在。〔末〕渐存骨肉远。转放奴僕亲。覆官人。有何使令。〔生〕前日来望我的解官人。只在那前街上住。与我请来。〔末〕男女看这等之人。无策资身。傍人糊口。外多狐媚。内实狼贪。小可以破人之家。大可以倾人之国。亡身殒命。乱俗败常。无非此辈。官人不可近他。〔生〕不必多言。我自有主张。快去请来。〔末〕理会得。〔末叫介丑上〕

【字字双】〔丑〕我每生长在京华。豪富。破袜破帽破衣裙。无袴。朝朝赶趁受驰驱。没路。开张大口似鲇鱼。喫醋。

〔末〕你到做得个宰相。鼻吸三斗醋。如何不喫别的。〔丑〕小子惯会帮嫖。别人请■〈行外亢内〉■〈微，于代文〉。我专喫一味好寡醋便罢。〔末〕好一个酸丁。解官人。我相公请你。〔丑〕那个相公。〔末〕山东王相公。后街赵家店裏住的。〔丑〕知道了。我便去。〔相见介生〕解兄。小生下第不快。欲在此寻一个游乐去处。〔丑〕勾阑裏如何。〔生〕也可。不知有甚么好妓者。〔丑〕前日到有西子。杨妃。南威。莫愁。秋娘。络秀。樊素。小蛮。都在这里。因恼了我。都被我赶去了。有个朝云。是先年太守苏东坡所爱。前日也死了。只有一个李翠翠。是先朝徽宗皇帝所幸李师师妹子。他有个亲生的女儿。叫做媚奴。见在南瓦子住。果是天香国色。〔生〕既然如此。明日相烦同去走一次。〔丑〕当得当得。

【六么令】〔丑〕燕姬赵女。小桃红深护幽居。烟霓被服总明姝。调绿绮。待相如。〔合〕游繯且问章台路。

【前腔】〔生〕琼楼绀宇。称春风笑语驩呼金塘秋水映红蕖。迷下蔡。竟何如。〔合〕紫骝嘶向平康路。

【前腔】〔末〕干戈多故。恐田园已就荒芜。也胜花柳满皇都。须念取。咸焚如。〔合〕桂枝莫误青云路。

〔生〕相约过平康。

〔末〕春城绮陌香

〔合〕百年终日醉。

三万六千场。

第七齣 忆夫

【薄倖】〔旦上旦〕煖日蒸花。轻烟蘸柳。看野园风景。年年如旧。绿阴青子。杜鹃啼后。〔丑上合〕春知否。听雏雉朝飞陇上。又满地渐渐麦秀。

〔生查子〕〔旦〕郎如陌上尘。妾似堤边絮。一别两悠扬。踪迹无寻处。〔丑〕粉面妬青春。泪眼零红雨。过了别离时。还解相思苦。〔旦〕春英。花信阑珊。春光且过。官人去了几时。不知功名若何。怎的不见音信回来。〔丑〕小姐。官人得意。必有佳音。不须忧虑。〔旦〕如今蚕已三眠。将及上簇。与你去门前桑园裏。採些叶儿饲蚕则个。〔丑〕小姐这等富贵人家。有的是奴僕。多的是绮罗。何爲自苦。〔旦〕妇女之职。供衣服。纳酒浆。我岂偷安不亲蚕事。〔丑〕如此小姐请行。

【罗江怨】〔旦〕盈盈陌上头。桑枝正柔。常记七月诗云。导彼女桑。以伐远扬。古人尚且如此。远扬未伐言采刘。徘徊树底自含羞也。无奈繆枝。黄鸟声求友。萧郎事远游。萧郎事远游。怕忘了秋胡妇。

【前腔】〔丑〕蚕飢叶未稠。忡忡隐忧。倾筐欲壑遵道周。攀条选树更移钩也。髻乱钗横。怎顾飞蓬首。〔丑〕小姐。你看前边溪上。王孙士女游玩的。好锦绣衣服。〔旦〕不要管他。罗纨恣冶游。罗纨恣冶游。却教愧杀癯瘤妇。

【香遍满】〔旦〕採来盈掬。沃若露未收。茧簇将成候。愿万缕长丝。似妾心中有。把迴文锦字。杼柚还织愁。怕貂裘敝损。羞见我机中妇。

【前腔】〔丑〕野阴舒盖。採掇不少留。岂恤难再茂。想洞口桃花。绿叶曾攀否。恨春风恼乱。破萼争未休。把刘郎殢却。空歎了邯郸妇。

【好姐姐】〔新增合〕绿茵尽摘不留。且莫惜明年难茂。柔枝嫩叶。多应人採揪。轻舒手。罗裙宽褪腰肢瘦。低处相攀云髻莠。

【香柳娘】〔新增〕想桃源洞口。想桃源洞口。刘郎在否。空教奴绣户轻寒透。一春事已休。一春梦已休。才子玉京游。淹淹不回首。别相将半週。别相将半週。封书未投。暗抛红豆。

【尾声】归期约在春深后。夏日初临愿未酬。空使妆台人自忧。

〔旦〕日色将午。且自归去罢。

〔旦〕啼鴂惜馀春。

〔丑〕採桑多苦辛。

〔合〕遍身綺羅者。

不是養蠶人。

第八齣 入院

【金玊璫】〔占扮李翠翠上占〕風流悲既往。鉛華曾擅平康。徒老大。在空房。黃金散盡。教得歌舞成行。花塢外馬蹄忙。

花月樓台近九衢。吹簫秦女綉羅襦。妝成每被秋娘妬。閒倚春風唱鸝鶯。老妾姓李。名翠翠。祖居汴京。是宣和教坊一個角妓。俺姐姐李師師。曾侍奉徽宗皇帝。常幸俺家。姐姐死后。留下老身。聖駕還都。隨到此僑居。有個親生女兒。喚做媚奴。年方二八。美貌無雙。吹彈歌舞。風流蘊藉。所事皆會。還有兩個丫頭。从小兒買的。收拾起來。趕着我孩兒叫二姐三姐。常伏侍俺娘兒每。人面前一般抬舉他。把些脂粉東塗西抹。也哄過江湖子弟。覓些錢鈔。只是我孩兒年少。不會哄人這兩日我出去了。家中沒客。不免叫孩兒問他則個。大姐起來了不曾。〔小旦扮媚奴上〕

【前腔】〔旦〕春風驚綉幌。柳梢初日橫牕。扶曉鏡。照紅妝。青樓多薄倖。無奈游子顛狂。空只學野鴛鴦。

媽媽萬福。〔占〕孩兒。我兩日喫酒忙。家中有客么。〔小旦〕那裏有個客。〔占〕孩兒。我這樣人家。全凭巧語花言。纔哄得人東西。因你不曉這話。故此沒有客。〔小旦〕怎的便好。〔占〕我教你個法兒。只要梳妝乾淨。若有風流子弟過往。把個笑臉兒迎他。就請裏面奉茶。待他坐定。一面喫茶攀話。一面着妹子每在裏面調箏弄絃。他自然動興。便肯拿錢出來整酒。動興處說幾句知心的話兒。幫衬他一幫衬。他道你知趣。自然住一兩夜。去時須留下宿錢。若問你多少。你假意說鴛子有甚么盡處。任意多少罷。他若與得勾數。你便收下。若還少時。你将銀子到我跟前幌一幌。做个臉兒。說我只愛錢。全沒仁義。那人曉得。自然添上。只說你有他的心了。就使了錢。想着你还來。但凡有錢的。住得長遠。便放些空與他也罷。若只一兩次的主顧。狠死抓他一下。不要饒他。〔小旦〕如今人都乖了。不肯使錢。〔占〕只怕他乖而不來。那怕他來而使乖。且看門外有甚人來。〔丑〕掇座常常醉。幫閒日日過。算來都爲口。兩腳受奔波。大媽拜揖。〔占〕解官人。貴人一向不到我家。〔丑〕便是。大姐有么。〔占〕有。大姐來拜見官人。〔相見科丑〕好個猱兒。〔占〕呸。好不識羞。猱兒是你叫的。〔丑〕北方人都叫大姐是猱兒。我怎么叫不得。〔占〕也罷。说你慣嫖。你且解猱兒兩個字。〔丑〕猱是山中小獸。

善能与虎搔痒。那虎因他搔得快活。伏地爬在虎头上。搔破顶骨。喫了脑髓。虎死尚然不知。比似你大姐。把俺子弟们搔死了多多少少。终是迷而不悟。〔占〕可知道哩。〔丑〕俺也问你。你是个鸚儿。要解鸚儿两个字。〔合〕鸚儿是山中之鸟。有雌没雄。与百鸟交合。把来比俺们一般。〔丑〕这等还要叫做蛇儿便好。〔占〕怎么是蛇儿。〔丑〕你不闻蛇与龟交。〔占〕天杀的。到好话儿。〔小旦〕你也只听得人说。那曾见蛇与龟交。〔丑〕大姐想是偷的。不与人看见了。你看真武脚下那个蛇儿。把龟子缠死也不放哩。〔占〕且莫取笑。今日光降。想必有好事作成俺家。〔丑〕有个秀才。是山东王侍郎公子。特来请大姐。〔占〕如此恰好。丫头快看茶。〔丑〕待门前看一看。〔生上〕

【似娘儿】〔生〕怀抱易悲凉。寻翠馆暂且徜徉。玉人家近天街上。门庭似水。笙歌竞沸。笑语生香。

解兄来了。有劳久待。〔丑〕不敢不敢。大姐在裏面专待。〔生与占小旦相见科生〕久慕芳姿。幸得一靚。实惬素心。〔小旦〕贵公子屈过寒门。不胜光宠。〔占〕东道已完备了。快将酒来。〔生〕待小生先奉妈妈一杯。〔递酒介〕

【排歌】〔生〕好鸟调歌。残花雨香。鞦韆丽日门牆。可怜飞燕倚新妆。半捲朱帘春恨长。〔合〕花源畔。玉洞傍。免教仙犬吠刘郎。琼楼啓。翠幃张。不知何处是他郷。

〔占〕老身回敬姐夫一杯。大姐唱个曲儿。〔丑〕大姐通书博古。就说几个古人。比喻王相公。〔小旦〕如此污耳了。

【北寄生草】〔小旦〕河阳县栽花客。〔丑〕是好一个潘安。〔小旦〕锦官城题柱郎〔丑〕好个相如。〔小旦〕山公立志多豪放。张良举足分刘项。苏秦唾手爲卿相。这相逢不似楚襄王。怕思归学了陶元亮。

〔生〕起动起动。小生与大姐同飲一杯。

【排歌】〔生〕薄扇回风。轻尘遶梁。凝云暗激清商。乐中歌曲断人肠。莺啭春林绣陌长。〔合〕花源畔。玉洞傍。免教仙犬吠刘郎。琼楼啓。翠幃张。不知何处是他郷。

〔占〕敬解官人一杯。大姐舞一个儿。我也把古时几个美人比俺女儿。列位休要见笑。〔小旦舞介〕

【北醉扶归】〔占〕獭髓添微绦。〔生〕是像个邓夫人。梅瓣贴宫妆。〔生〕是像个寿阳公主。檀屑餐来玉体香。〔生〕绿珠也不及他。行踰金莲上。〔生〕正好比

着潘妃。漫说道临邛夜亡。〔生〕好个文君。〔占〕索把章台傍。

〔生〕大姐到有柳氏之容。怕小生做不得韩翃。〔丑〕起动起动。我也谢你一杯。

【排歌】〔丑〕佩转鸾裾。钗低凤梁。终曲初破霓裳。煖丝无力自悠扬。转更郎当舞袖长。〔合〕花源畔。玉洞傍。免教仙犬吠刘郎。琼楼啓。翠幃张。不知何处是他郷。

〔占〕老身也唱个曲儿。合席奉一杯。

【前腔】〔占〕宝帐流苏。金铺洞房。枕屏双度鸳鸯。淡云轻雨拂高唐。兔走乌飞不觉长。〔合〕花源畔。玉洞傍。免教仙犬吠刘郎。琼楼啓。翠幃张。不知何处是他郷。

〔生〕酒多了。〔丑〕天色已晚。小子告回。明日再来看。〔生〕请了。〔丑〕我送王兄入房去了纔回。〔生〕篮輦相访可淹留。〔丑〕南国佳人号莫愁。〔小旦〕日暮酒阑人已散。任他明月下西楼。〔生丑先下占〕大姐你来。我看这王姐夫是个富贵子弟。这样人到肯使一分好钱。你今夜陪他。与他个甜头儿。等他心上热了。起发他些东西。首饰衣服都是钱。〔小旦〕怎么便好讨。〔占〕你不要开口。只教妹子们洋洋的到他面前说。某人与大姐置衣服。某人又与大姐置首饰。他听了自然要与你。你还推不要。定少不了你的。这是个法儿。解官人去了。你进去睡罢。〔小旦〕谨依母亲指教。〔占〕待我关了门。〔淨扮乞儿上〕羞者不做。做者不羞。

〔占〕呀。这贫子。黄昏时候没处讨了。〔淨〕我不是讨的。〔占〕你不是讨的。倒是请小娘儿的。〔淨〕也说不定。〔占〕呸。癞虾蟆想天鹅肉喫。〔淨〕妈妈。不瞒你说。我今日街坊上拾得一锭银子。我想起来。没福招他。不如请个大姐。歇了一夜。送与他罢。〔占〕那有这样话。快走。〔淨〕且住。这妈儿不信我有银子。且将这一锭。把一条细绳结了中间。背在背上走。他必然看见银子叫我。妈妈。你真个不留我。〔占〕不留你。〔淨〕不留我罢。且到别家去。〔做行介占〕那乞儿转来转来。我本待不留你。看你后面好。留了你罢。〔淨〕可知道说你怎么不留我。我把银子与你。〔占〕既如此。你住在外边。我与女儿商量。二姐出来。〔丑上占〕你去打发那人。〔丑见淨诨科见占介〕不知娘教我把甚么打发他。〔占〕要请你哩。〔丑做不肯介占打介〕这不做家的贱人。我只要他银子便罢。管什么好歹。〔丑〕既然如此。教他把破衣服脱在房门外。洗了浴。与他睡一夜。明日五更。打发他去。只不要人看见。〔占〕也罢。那个人进来。〔丑见淨哭介淨〕姐姐。你到与我好了。不要哭。明日去了。拾得银子再来。〔丑〕呸。

【梨花儿】〔丑〕银筝宝瑟番新调。教坊部内价名高。耐耐妈妈没分晓。嚟。只要钱来不论好。

【前腔】〔淨〕你有花不折空年少。有马不骑空自劳。有酒不醉常烦恼。㗎。得欢笑处须欢笑。

【前腔】〔丑〕得欢笑处须欢笑。料伊欢笑只今宵。来日依旧街前叫。㗎。拚却今朝一醉饱。

【前腔】〔淨〕你花容柳貌甚妖娆。我牵云弄雨甚风骚。你罗衣不比我蓑衣好。㗎。你娇讴歌不出我的莲花落。

〔丑〕堪笑穷儿暴富。

〔淨〕有钱便是主顾。

〔占〕不是长久夫妻。

〔淨〕也算春风一度。

第九齣 行刺

〔末扮胡人上〕曾记嫖姚破敌年。不乘胡马服腥羶。铁衣卧月关山梦。尤在祈连部落边。自家野宿是也。本是女真部落金国一个蒲里衍。先年投降耿元帅。收在张安国部下。那张国公见我膂力绝人。骑射精巧。解衣推食。结爲心腹。只因受他厚恩。不忍背去。一向差我把守营门。今日唤我到幕府。不知有何说话。且在此伺候则个。〔淨上〕

【秋夜月】〔淨〕胆气雄。叱咤山岳动。枉有英豪吞云梦。狂奴独把兵权弄。这怨恨满胸。这怨恨满胸。

〔淨〕野宿何在。〔末〕覆恩主。有何使令。〔淨〕想我有万夫不当之勇。与耿元帅起兵。指望封侯列土。身经百战。方得这东平郡。朝廷拜他爲节度使。我有功不赏。怏怏不乐。昨夜反说我怨望。要就军门搥我。此恨怎生干罢。待要寻个勇士。刺杀那厮。收了军马。投降金国。杀尽南朝。取富贵如反掌。只没个干事的人儿。〔末〕小人受相公厚恩。常怀死报。既有此意。小人敢去杀他。〔淨〕如此却好。他每夜常到后园。独观天象。你黄昏时潜入园中。等他出来。一箭射死。吾之愿也。〔末〕小人便去。

【懒画眉】〔淨〕甲兵十万在心胸。安肯俯首低眉田舍翁。敢殄后羿学逢蒙。取斗

印无旋踵。自拥双旌出汉宫。

【前腔】〔末〕路边戈甲正重重。〔淨〕你怎么去。〔末〕我待到黄昏人静。入到园中。行露潜依草蔓丛。听百花春隔景阳钟。手把乌号控。教他怨血空流杜宇红。

〔淨〕即忙打点便去。〔末〕理会得。箭穿杨叶知无失。梦入槐根定不归。〔末下淨〕若得野宿干了此事。谢天谢地。今晚该到帅府发放军事。只索走一遭。〔行介〕此间已是帅府。早已升堂。不免伺候。〔外扮耿京上〕

【生查子】〔外〕铜虎锡殊勳。建节君恩重。匡辅久怀忧。但愿皇图巩。

〔浣溪沙〕〔外〕甲帐牙旗拥道傍。雕戈镂铠昼生光。丹心一点答吾皇。青海东头沉羽箭。黑山西畔虏名王。归来麟阁姓名香。自家蒙圣恩拜爲节度之职。深愧无功。有幸天宠。精练人马。待秋高之后。复夺中原。誓死报国。今日无事。不免分付将校巡守营灶。将校何在。〔淨应有外〕监军在那裏。〔淨〕也到了〔末〕功盖三分国。名成八阵图。誓将清塞漠。繫颈北单于。覆元帅。候钧旨。〔外〕如今休兵息甲。方此暮夜。怕有奸细在境。张总管领左翼。城中巡视。辛监军率领右哨。城外把守。各要小心。〔衆应〕得令。制胜不在敌。防微各有机。〔淨末下外〕不觉日色已暮。且到园亭占看天象。多少是好。呀。来到此间。只见夜色苍茫。星河灿烂。想已黄昏了。且喜三台帝座。俱有光彩。

【懒画眉】〔外〕紫微佳气鬱葱葱。牛女分野。怎么旄头星现。正在吴越帝都之地。可怪牛女妖氛烛地红。呀。将星如何不在。只怕晶光一夕陨隆中。揜枪星又明了。这是胡虏猖獗之兆。又恐怕烽烟动。天下将治。五星聚于东井。愿得开祥及早逢。

〔末暗上听介外〕记得传说是箕星下相武丁。如今秦桧死了。汤思退执政。怎比那时。

【前腔】〔外〕安得骑箕贤相佐殷宗。齐景公时。荧惑守心。发一善言。荧惑退舍。转禍爲祺。美景公。汉时陈仲弓荀季和父子。隐居不仕。德星出现。哲人今在楚江东。唐太宗时岁君居心。宰相权德輿作颂以纪祥瑞。争得见贤臣颂。羣邪在朝。天下贤臣俱隐遁了。便如严子陵动得星象的。只作湘江一钓翁。

呀。有贼有贼。〔末射介外倒介内鸣锣呐喊介淨上〕

【东瓯令】他苞桑懈祸机伏。百战雄图归箭镞。邯郸富贵今何许。炊黍早先熟。〔合〕军门如堵弛房簳。左袒尽归属。

【前腔】〔末〕看输赢势几终局。未策云台先鬼录。螭娘贾却鸣蜩勇。黄雀已相逐。〔合〕军门如堵弛房簏。左袒尽归属。

〔淨〕野宿。分付三军。把帅府围住。放火烧了。各城门不许放辛监军进城。〔内应介〕告元帅。东门报来。辛监军单马望东走了。〔淨〕也罢。野宿。教军士找过首级。放起火来。〔末〕小将理会得。

一箭穿杨事已成。

空教汗马立功名。

从今十万横行卒。

血染沙场草不青。

第十齣 祝寿

【夜行船】〔占旦小旦同上占〕乳燕初飞华屋迥。花事罢尚有残莺。〔小旦〕蕙叶翻风。槐阴匝地。〔合〕帘幕昼长人静。

〔柳梢春〕〔占〕似日中霜。似风前雪。似雨馀云。〔小旦〕薄比飞花。荡如柳絮。煞也无情。〔占〕西湖南陌东城。任管定年年送春。〔小旦〕薄倖东风。薄情游子。薄命佳人。母亲万福。〔占〕孩儿。王姐夫连日如何。〔小旦〕昨日与了我十两金子。又定二十套衣服。只教我烧个香疤儿。〔占〕我儿。这香烧刺字是个苦肉计。且早哩。此人只有千来两银子。不消几时。哄了它的。捻他去罢。前日解官人又说。这城中胥喜员外说请你。先送了一十两银子来。且看此人是个大财主。与他烧个儿。起一主大钱。也不见得。〔小旦〕这裏怎么回它。〔占〕你说等去时与你烧。我儿。如今再设个法儿起它。〔小旦〕怎么说。〔占〕要与我做生日。〔小旦〕怕它不信。〔占〕你两口儿坐者。教四儿来说。淮上张官人送一百两银子来。替妈妈做生日。教大姐不要留人。等它要做。你说就拿银子出来。今日先做了。好打发那人去。〔小旦〕此计却好。〔占〕四姐那裏。

【双劝酒】〔淨〕烟花户庭。风尘心性。张郎不成。李郎不应。十人见我九人憎。羞杀我一貌倾城。

〔淨〕妈妈大姐。叫我甚的。〔占〕我要王姐夫做生日。〔淨〕我来了一个月。看妈妈做三遭生日了。怎的又做。〔占〕这奴才。你窠子人家来的。不知我每的勾当

。你只依我。〔淨诨介占小旦说介〕正是计就月中擒玉兔。谋成日裏捉金乌。〔占小旦下淨〕王姐夫。出来耍子则个。

【夜行船】〔生〕梦揽鄉魂常不定。红閣外小妇调箏。宿酒醒人。残花惊眼。底是沉郎多病。

〔生〕大姐。你在此则甚。〔小旦〕耍子。〔生〕要你烧个香疤儿。今日烧了罢。〔小旦〕不要慌。等你临去着。〔淨〕不鑽不透。不说不知。你两个好快活。我有桩事儿报你。淮上张官人送一百两银子来。与妈妈做生日。教姐姐不要留人。〔小旦〕怕没有这话。〔淨〕这人见在前面。〔小旦〕四姐。回了他妈妈又恼。不回他有王姐夫在这里。怎么好。〔淨〕只教王姐夫自做了。回他罢。〔生〕这个不妨。小生取二百两银子与大姐。今日便做了。〔小旦〕如此极好。四姐整酒。请妈妈来。〔淨〕妈妈有请。

【海棠春】〔占〕帘外忽传声。倒屣忙来应。

姐夫姐姐。请老身有何话说。〔生取银送介〕闻知妈妈诞日。聊备薄礼。庆贺则个。〔占〕生受生受。〔生将酒送介〕

【锦堂月】〔生〕舞架红英。翻阶翠葆。修篁数枝相映。小靛圆荷。池塘乍弄初晴。花煖春驻瑶桐。菜暗昼长金井。〔合〕延丽景。但歌彻南飞。共酬佳兴。

【前腔】〔小旦〕堪并。岱岳峥嵘。骈来五福。遐龄已见川增。萼绿飞琼。相将驻颜同永。蓬壶上鹤算齐翻。绣幌内鸾篴初整。〔合〕延丽景。但歌彻南飞。共酬佳兴。

【前腔】〔淨〕懽庆。金屋娉婷。红颜嫚笑。芳妍可妬双成。青鬓流年。花满玉台明镜。舞霓裳时度云和。歌宝扇重寻月影。〔合〕延丽景。但歌彻南飞。共酬佳兴。

【前腔】〔占〕思省。花月一生。歌台舞榭。犹忆少年驰骋。暮去朝来。眞如覆尘难凭。青阴重巫峡春归。黄叶惨浔阳秋冷。〔合〕延丽景。但歌彻南飞。共酬佳兴。

【醉翁子】〔生〕忻逢。只淑女芳年鼎盛。且莫惜黄金。更羞囊罄。〔小旦〕毕竟。誓白首同归。比翼鸕鷀效此生。〔合〕拚酩酊。算此乐人间。不减登瀛。〔淨〕须听。论衣紫腰金有命。信閒处光阴。隙驹难定。〔占〕那更。怕坚闭愁城。攻破时教仗酒兵。〔合〕拚酩酊。算此乐人间。不减登瀛。

【侥侥令】〔生〕簷牙斜日暝。〔小旦〕帘额晚风轻。〔合〕看湖上好风一带青来迥。新月上山城。天际明。

【前腔】〔淨〕莲花红烛影。〔占〕铁拨紫槽声。〔合〕一任履舄交争竞。香雾转冥冥。云锦屏。

【馀文】〔十二时〕王侯甲第多钟鼎。念此日风流还胜。但只恐素髮盈盈老此生。

锦屏香煖护鸣箏。

不惜千回醉复醒。

人定月明池水上。

轻罗小扇扑流萤。

第十一齣~第二十齣

第十一齣 报信

【唐多令】〔旦丑上旦〕游子久忘归。伤心泣蕙帷。〔丑〕远书无雁到天涯。尽日阑干独倚。情默默。意悽悽。

〔谒金门〕〔旦〕眉黛浅。只爲病多妆嬾。〔丑〕寂寞镜台尘雾满。额花馀半靨。〔旦〕闻道长安天远。幽梦曾寻几遍。〔丑〕纨素欲裁明月扇。玉纤和泪翦。〔旦〕春英。官人出去。又是经年。怎么不见个书信回来。〔丑〕路途迢递。人事差池。以此不能将寄。〔旦〕恐功名不遂。留滞京华。干戈扰攘。田园荒芜。如之奈何。〔丑〕官人去了。终有归时。目下干戈。久当平定。小姐且省愁烦。〔旦〕只教我终日悬悬而望。怎生是好。

【桂枝香】〔旦〕含情凝睇。天涯无际。心惊黄鸟双翰。月断碧云千里。花时又阑。花时又阑。恐有一襟红泪。愁来难寄。暗沾衣。懊恨清淮水。东流去不回。

【前腔】〔丑〕香枯兰佩。光沉钿翠。庭花夜合慵看。砌草忘忧空对。湘江正深。湘江正深。迢迢烟水。无凭緘鲤。杳难期。不信衡阳雁。春来亦解回。

小姐。你这几日。铅华尽洗。笔砚慵亲。只怕成病了。

【醉扶归】〔旦〕恨崔徽常把青鸾委。笑文君空有彩毫题。本图他驷马耀门楣。反落得网户蠨蛸起。丈夫便爲龙一跃奋天池。忍将我比目双鱼弃。

【前腔】〔丑〕玉钗閒尘土孤凤翳。罗襦暗泪点绣鸳欹。画梁间羞覩燕双栖。荷花内怕有花同蒂。官人。想渔舟误被武陵迷。把箫声竟向秦楼废。〔外上报介〕

【不是路】〔外〕心急行迟。两足龙鍾怯路岐。重门闭。呀。可怜可怜。京华游子未言归。〔外叩门介旦〕自生疑。忽惊小犬迎人吠。恐有泥金报喜知。春英。我与你门前一看。〔见外介〕呀。元来春英父亲秦禄。你如何这等慌张。〔外〕老夫人使小人来报小姐。忙传意。一朝禍起萧牆裏。疾当迴避。

【前腔】〔旦〕听说魂飞。鼠顾狼奔是怎的。〔外〕小姐不知。张安国谋杀耿元帅。投了金邦。掳掠山东。将到钜野了。胡尘起。中原血战已纷披。〔丑〕拥旌旗。渔阳鼙鼓喧天地。及早藏形远祸机。〔旦悲介〕空挥泪。萍踪梗迹将安寄。此生何济。

〔外〕这城外大野湖边。蚕尾山中。可以避兵。小姐即忙收拾便行。小人也去寻个

别远逃生去了。将军不下马。各自奔前程。〔下旦〕春英。这家计都管不得了。只取些金珠在身。与你去罢。

【木丫叉】〔旦〕鼎沸山河。瓜分邑里。一霎时把太虚蒙翳。九阳厄运。上帝心厌祸黔黎。是处见征旗。满四郊密匝匝几多烽燧。国破家亡徒自苦。何地鹪鹩得暂栖。空教人啼做杜鹃。孤怯怯生死难期。

【么篇】〔丑〕汹汹吞鲸。纷纷鬬蚁奈飘零荡絮东西。触景更成悲。徒有金屏绣幌。怎免得茂林荒隧。爲问干戈清偃。知何日再得旋归。

【馀文】长天暮。红轮坠。寻枝乌鹊尽南飞。豺虎纵横道路危。

胡兵一动朔方尘。

蓬梗何年是住身。

明日与君沧海上。

相逢俱作异乡人。

第十二齣 赏花

〔末上〕几树垂杨隐画桥。西湖湖水不通潮。暖风薰得游人醉。多少黄金向此销。自家王便是也。俺相公与李大姐今日游赏。使小人到西湖上治酒。来到此间。真个好景致。但见宝鑑无尘。画屏施采。重重金碧。楼阁丽层霄。隐隐丹青。峯峦浮玉气。迢迢迢迢。高高下下。一带千雉金城。远远近近。盘盘旋旋。几座双珠宝塔。天竺寺。灵隐寺。淨慈寺。玛瑙寺。昭庆寺。灵芝寺。依依约约。一声钟磬坐来闻。二高峯。月桂峯。虎林峯。飞来峯。紫云峯。天竺峯。崔崔嵬嵬。千古兴亡看不足。六桥柳岸。咿咿哑哑。摇落树梢新月。时度鱼榔。九里松蹊。撚撚丁丁。敲残坞内斜阳。忽传樵斧。山缺处。氤氲氤氲。或聚或散的云峯。水穷时。络络绎绎。或密或疎的林藪。葳蕤蕤蕤。婷婷嫋嫋。芙蕖映水。幻出镜裏青娥。轻轻盈盈。三三两两。鸥鹭眠沙。攢就机中素羽。王孙公子。齐齐整整。紫骝赤拨。无非玉辔金鞍。舞妓歌姬。妖妖娆娆。雀舫龙舟。总是银筝象板。管絃丝竹。嘈嘈杂杂。不断的春夏秋冬。商旅衣冠。往往来来。那知他燕陈楚赵。正是擅将山水胜。磨尽古今人。呀。酒缸在此。不免叫梢子起来打点伺候。梢子哥上来。〔淨应〕来了。来了。

【吴歌儿】〔淨〕南高峯相对北高峯。十里荷花九里红。水面金鱼无尽数。不如湖上做梢公。

【又】湖上花船日日来。黄金散尽不曾回。多少人家倾废去。只有梢公不走开。

〔见诨介〕大哥。酒已端正了。怎么相公不到。〔末〕只在城门外便就来了。

【紫苏丸】〔生〕柳阴旭日光映。舣兰舟管絃声竞。〔小旦〕试歌桃叶问卿卿。共展登临兴。

〔乌夜啼〕〔生〕水漫江洲新绿。云开罨嶂微青。〔小旦〕残花不见成阴后。鶗鴂寂无声。〔占〕笑傲坡仙一梦。风流杜牧三生。〔小旦〕西湖依旧人中景。来去竟难凭。〔生〕王便。酒船整齐不曾。〔末〕完备在此。请官人大姐上舡。〔上船介〕

【甘州歌】〔生〕东南胜景。控武林都会。亘古名城。琼田玉界。隐约碧澄千顷。云连竺寺三天境。路转松涛九里声。〔合〕浮尘断。宿雨晴。兰皋蘅渚杳然青。红芳尽。绿阴荣。动人香豔一枝明。

【前腔】〔小旦〕烟霞最上层。又飞来何处。峭峯高并。楼台钟磬。天风引落南屏游人尚识呼猿洞。鸣鸟空依放鹤亭。〔合〕丘樊绕。萝薜萦。短簷茅屋酒旗青。金丸小。罗袂轻。雕鞍玉勒照花明。

【前腔】〔末〕重湖入望平。似西施眉黛。倒涵山影。六桥陈迹。犹传白傅高情。逋仙屿中梅已老。苏小堤边柳自生。〔合〕菱歌起。渔唱停。片鸥飞破水痕青。红衣嫋。翠盖擎。隔花人语绮罗明。

【前腔】〔淨〕楼船载酒行。骤鸳鸯惊起。双飞明镜。朝云何处。空怜草宿寒垧。石边欲觅三生话。阁上谁题四照名。〔合〕吴宫潋。越榭倾。霸图零落暮山青。钗金冷。麝玉横。唾花香渍舞衫明。

【尾声】惜芳辰。耽馀景。西陵先有月华生。好向津头问去程。

〔小旦〕相公。早些回家。明日和你癸灵庙烧香去也。〔生〕王便。快收拾回去。

〔生〕柳底花阴压路尘。

〔小旦〕一回游赏一回新。

〔合〕不知买尽长安叻。

活得苍生几户贫。

第十三齣 设誓

〔外扮庙令吕公上〕昼夜潮声拍岸沙。门前古木舞神鸦。癸灵岁岁专祈报。烟火钱塘十万家。老汉是这钱塘江口。癸灵神王庙中。一个庙令。俺这癸灵爷爷。灵异无比。临安一郡人民。无不钦奉。老汉在此焚修。託赖神庇。儘可度日。算这钱财也不虚丁神祝。只是常行方便。济人利物。正是莫将容易得。便作等閒看。早上怕有人来拈香问卜。不免开门伺候。呀。早有一簇人来了。

【少年游】〔生〕朱萸画栋。雕牆峻宇。江树应参差。〔小旦〕誓海盟山。金钗钿合。相同语恩私。

〔末〕此间已是癸灵庙了。请官人大姐下马。〔生小旦见外科外〕大姐久不到俺庙中了。这位是谁。〔小旦〕是钜野王公子。〔外〕好好。想必到此烧香。〔生〕正是。小生因蒙大姐相爱。在此一年馀了。与俺有婚姻之约。来对神歃血爲盟。〔外〕是。大姐。这相公是个读书君子。你不要往常这等哄他。〔小旦目视外介〕吕公休取笑。我只遭眞要嫁他。〔外〕如此。怎么通情旨。〔生〕小生有一玉玦。是俺荆妻临别所赠。相期决意早归。只因大姐留住。约爲婚姻。如今将此玉玦。繫于癸灵大王佩刀鞘之上。与大姐同效于飞。取归见俺荆妻。亦显小生一点诚心。〔外收玉玦繫神上介〕待老汉通情旨。然后说誓。

【急板令】〔外〕仰苍天照临罔私。布忱悃神明鉴兹。望云輶降此。钜野秀才王商。东京信女李娟奴。同寓临安。他两个瑚璉青衿。粉泽红儿。洒洒刑牲。特荐瑶卮。〔合〕申盟约歃血丛祠。如在上。俨来斯。

〔生〕大姐。你先说誓。〔小旦说誓介〕

【前腔】〔小旦〕念妾身蒲质柳姿。羞自逞残膏弃脂。愿婚姻迨时。愿婚姻迨时。萝萼青春。早附松枝。绣幕红窗。绝胜牵丝。〔生〕王便。取歃血盘来。〔末〕在此了。〔小旦歃血介〕妾身若负王商。有如此血。〔合〕申盟约歃血丛祠。如在上。俨来斯。

【前腔】〔生〕彼姝子颜如务施。久繾綣曾无怨咨。心中自思。〔小旦〕只怕老母多索聘财。〔生〕阻隔好事。三斛明珠。肯恤高贄。〔小旦〕神圣在。不可心变。江汉朝宗。百折东之。〔生歃血介〕小生若负娟奴。有如此血。〔合〕申盟约歃

血丛祠。如在上。俨来斯。

〔末〕小人也烧一炷香。

【前腔】〔末〕我东人虹蜺吐辞。瑞世宝甘泉紫芝。望大圣佑我东人。去邪归正。倘刻意师资。谈笑风云。鸿渐台司。莫谓青蝇。使白璧瑕疵。〔合〕申盟约歃血丛祠。如在上。俨来斯。

〔生〕大姐。小生就要过江。看一朋友。明日回来。〔小旦〕官人。你去便回。〔生〕与子意相亲。〔小旦〕精诚格鬼神。〔外末〕要知山下路。试问过来人。〔外小旦下生〕王便。快唤江上渡船来。〔末〕小人久有一言。稟覆官人。因李大姐在旁。不曾敢说。〔生〕你且说来。〔末〕官人才称倚马。志欲攀龙。业累万金。貂传五世。奈捐弃家室。迷恋烟花。京华纵好。孰若故乡。脂粉空妍。终非结髮。负大娘子伉俪之义。玷老相公清白之风。官人可以三思。莫教大错。〔生〕你不知我心中之事。不要胡说。〔末〕官人听禀。

【人月圆】〔末〕鸿鹄志。久戢冲霄翅。那娼妓呵。花柳心情浑似纸。如今官人还有银子。他这等奉承。黄金散尽相轻视。〔生〕他不哄我。待我再试看。〔末〕百丈渊泉难历试。从今去。须防钩饵请自深思。〔生怒介〕

【前腔】休纵肆。仓卒心携贰。簧口无端生棘刺。〔末〕小人怕官人被这泼贱。误了功名大事。〔生〕胸中礼乐三千字。蛟龙涸辙时不至。从今去。好缄喉舌。且自深思。

〔末〕官人不肯去。小人先回去了。〔生怒打末介〕这奴才好生无礼。不用你了。快去快去。〔打末倒介〕势败奴欺主。身衰鬼弄人。〔下末醒介〕官人。你好不三思。如今不肯去。只怕要去去不得。那时进退无门。今日不听忠言。将我赶逐了。我想起来。昔日陶侃之僕。常遭主公捶挞。有人劝他逃去。答曰。吾主多才。不忍弃也。我官人有陶侃之才。不能立志。也没用处。怎忍见他流落。不如且走他州外郡。再作区处。罢罢。

曲突无功最可怜。

焦头受赏已徒然。

分明指与平川路。

错把忠言当恶言。

第十四齣 擄掠

【菊花新】〔淨上〕长驱胡骑翦提封。谁夺龙沙斩将功。剑戟倚崆峒。始信王侯无种。

万户伤心生野烟。中原黎庶逐腥羶。爲看汶水汤汤去。尽是胡儿飲马泉。张安国。只因杀了耿京。投顺金邦。拜爲兵马都统。着俺领十万铁骑。收复山东。擄掠子女金帛无算。今日已到钜野了。且打破城池。搜索一番。将士何在。〔外衆上〕城郭逃亡后。山河血战餘。〔淨〕点起兵马。整搦器械。但不投降的。尽皆杀了。〔衆〕领将命。

【红绣鞋】〔淨〕纷纷铁骑如龙。如龙。英英羽旆随风。随风。驱倭驷。整车攻。金甲耀。宝刀雄。〔合〕看席卷。奏肤功。看席卷。奏肤功。

【前腔】〔外〕军声雷动轰轰。轰轰。妖氛雾起濛濛。濛濛。昏岱岳。撼东蒙。倾上郡。破崇墉。〔合〕看席卷。奏肤功。看席卷。奏肤功。

【缕缕金】〔旦丑〕行匿影。步潜踪。捧头如畏鼠。怕人逢。四野豺狼满。干戈冗冗。〔内鸣锣鼓旦丑慌介〕看兵连祸结正无穷。浮生已如梦。

〔旦〕春英。你看杀声振地。金鼓喧天。人民逃窜。无处逃生。我和你那里安身。〔丑〕小姐。蚕尾山去不远。趲行前去。〔旦〕后边军马来得近了。怎么好。〔丑〕且向茂草丛中躲过他。〔旦丑〕正是宁爲太平犬。莫作乱离人。〔并下〕

【红绣鞋】〔衆〕辉辉列戟长鏐。长鏐。林林聚刃鉞锋。鉞锋。奔骇鹿。起惊鸿。人贯擗。鸟伤弓。〔合〕看聚落。尽成空。看聚落。尽成空。

〔衆〕前面湖边蚕尾山中多有避难的。且杀向山边去。〔淨衆下介〕

【缕缕金】〔旦丑〕荒草径。蒺藜丛。免身锋镝下。苦匆匆。〔内鸣锣介丑〕小姐不好。蚕尾山中都是军马了。〔旦悲介〕怎么好。蚕尾苍山迥。旌麾先拥。看兵连祸结正无穷。浮生已如梦。

〔旦丑欲下衆赶介〕拿住拿住。

【红绣鞋】〔衆〕灵鼙奏鼓逢逢。逢逢。吞鲸舞浪汹汹。汹汹。屯委烧。堠连烽。追赤电。映流虹。看聚落。尽成空。看聚落。尽成空。

拿过来。你是那里。〔旦〕妾身钜野百姓。〔淨〕那里去。从实说来。

【马蹄花】〔旦〕云扰山东。刘项持兵鹿未穷。〔淨〕你是何等人家。〔旦〕念我家如坠甑。命比游鱼。迹类飘风。〔淨〕看你是个宦家女子。不如随我享此富贵。饶你性命。〔旦〕不辞血染会稽锋。肯将名污高堂梦。〔淨〕见你一貌如花。未忍加害。不要执迷。〔旦〕将军且休猜逐水浮花。也须知傲雪贞松。

〔淨〕那小妇人怎的说。

【前腔】〔丑〕毒雾漫空。故国荆扉一梦中。〔淨〕你是他甚么人。〔丑〕念我身当衣绿。〔淨〕元来是个婢子。〔丑〕手执流黄。〔淨〕你会织作。一发从我罢。〔丑〕心愧啼红。〔淨〕你若不肯。就杀了。〔丑〕就刑融女可全忠。〔淨〕到此不怕你走上天去。〔丑〕突围苟灌非无勇。〔淨〕这等丑貌。又不肯从。不要杀他。赶了去罢。〔丑〕将军。妾身有主母在此。愿俱亡不负倾葵。肯偷生去学飞蓬。

〔淨〕把这两个妇人押去俘囚女子中监禁了。我事稍定。慢慢问他。〔衆应介〕

〔淨〕玉关门外见明妃。

〔外〕憔悴红颜逐马蹄。

〔旦〕应有孤魂悲塞月。

〔丑〕家山牢落战尘西

第十五齣 定计

【粉蝶儿】〔占小旦同上占〕烁日炎威。懵腾酒醒人倦。正榴花映日初然。〔小旦〕结新盟。渝旧好。似夏云多变。〔合〕这门庭迎送。真如邮传。

〔占〕心情无定在。笑语暂相亲。〔小旦〕番讶梁间燕。偏依旧主人。〔见介占〕大姐。王秀才如何。〔小旦〕又有二百两银子在此。〔与占收介占〕他还有么。〔小旦〕前日见我与说誓归来。连箱子都与我了。他怕也没了。〔占〕既没了。捻他去罢。〔小旦〕妈妈且放从容。〔占〕我知道你与他好。你是我亲生的。还任你些性儿。若是讨的。容他不得。胥员外送了几次银子。今日王秀才出去。俺已着人与解官人说了。他两个一定来也。

【麻婆子】〔淨〕有钱有钱人争美。猗顿与我使半年。有才有才人争美。曹植见我走一边。〔丑〕天生我好心偏。囊空不贮一文钱。腹中墨水无半点。〔合见笑介〕和你富贵贤愚总妄言。

〔淨〕解兄。李大妈请俺和你。不知如何。这里是他家。你叫一声。〔丑叫介占小旦见介淨〕重劳相招。有何见谕。〔占〕员外不要性急。老身因王秀才不肯离俺大姐。定个金蝉脱壳之计。在武林门外税下一所空房。央俺一个亲的伍大姐住下了。今晚教王秀才与大姐去看姨娘。两口儿那里宿了。老身在此。把家火搬开。明日到那里。使王秀才先回。员外来接了俺娘儿与伍大姐去。那王秀才两头走空。必然回也。〔淨〕好计好计。只怕日后也这等弄我。〔占〕员外说那里话。人有不同。休要取笑。〔淨〕既如此。我们且去。〔占〕略具小酌在荷亭上。员外不弃少坐。〔淨〕不必了。〔丑〕员外不可辜他好意。〔淨〕也罢。看一看。果然好荷花。将洒来。〔小旦递酒介〕

【山花子】〔淨〕若耶溪上春风面。倾城一笑嫣然。水沉微霓裳乍拏。江妃罗袜蹁跹。〔合〕比名花青娥少年。千锺美酒供笑喧。红颜萎谢空自怜。不信天台别有神仙。

【前腔】〔丑〕六郎玉貌悲游辇。亭亭翠盖田田。走骊珠圆明露旋。鲛人夜泣重渊。〔合〕比名花青娥少年。千锺美酒供笑喧。红颜萎谢空自怜。不信天台别有神仙。

【前腔】〔小旦〕风回沼边。忽度桃花扇。冷香飞上诗篇。翦黄金葳蕤鬪。妍玉奴徐步阶前。〔合〕比名花青娥少年。千锺美酒供笑喧。红颜萎谢空自怜。不信天台别有神仙。

【前腔】〔占〕宸游画旃。太液新妆遍。宫衣巧妬双鸳。反魂香谁留可怜。还看解语婵娟。比名花青娥少年。千锺美酒供笑喧。红颜萎谢空自怜。不信天台别有神仙。

〔淨〕天热。不须酒了。我且去到武林门相接。〔占〕不可失约。〔淨〕一定一定。小宴追陪散。〔丑〕平桥步月回。〔占小旦〕来朝申密约。花下有残杯。〔淨丑先下占〕大姐。王姐夫将回了。你今夜与他到武林门去。决不可误。〔小旦〕我晓得了。〔占〕将新变故。重富轻贫。〔占下介〕

【粉蝶儿】〔生〕满目黄埃。长天火云如炼。怪烛龙尚自加鞭。就清凉还试展玉人纨扇。水亭中花色何如娇面。

方纔城外飲酒回来。不觉天色晚了。呀。大姐。这等热天。你每日铅粉全抛。今日

爲何浓妆不解。怕有人来望你。〔小旦怒介〕我一意与君。盟言在耳。岂可轻发狂言。将人奚落。有个姨娘。在汴京初来。住武林门外。待你同去看他。〔生〕天色晚了。明日去罢。〔小旦〕骨肉久违。急欲一面。和你乘此夜凉去罢。明日回来。不要拗我。〔生〕既然如此。小生与大姐同行。〔小旦〕轿马已具在门首。

【驻云飞】〔生〕缓鞚金鞵。烟霭龙城日暮天。水淨流萤软。树密昏鸦战。㗎。黄鸟羽翩翩。寻芳游衍。宿稳花枝。已忘危巢恋。〔合〕明日重铺歌舞筵

【前腔】〔小旦〕鱼锁方严。宵柝重城玉漏传。灯火樊楼远。星斗明河转。㗎。牛渚思空悬。相看清浅。乌鹊难凭。只恐佳期变。〔合〕明日重铺歌舞筵。

〔生〕异鄉怜骨肉。

〔小旦〕未见已心惊。

〔合〕不惜履行路。

与君清夜行。

第十六齣 访姨

【贺圣朝】〔旦扮伍氏上旦〕落花正是飘零。那知流水无情。暮朝云雨总难凭。看巫峡峥嵘。

烟花队裏窃兵符。九里山前列阵图。一笑曲中人不见。湘江疑■〈山童〉碧模糊。老身唤作伍大姐。前日李大妈税这所空房。央老身住在此间。妆乔弄假。脱嫌王商秀才。既得了他千金。不可如此狠毒。这俺门户中的勾当。不要管他。受人之託。必当终人之事。昨夜媚奴与那王商秀才同到此处。不曾敍话。今日不免把一套谎话对付他。閒讲片时。待李大妈来。自有区处。

【花心动】〔生〕殢酒粘花。到长安顿忘归兴。人有姬姜。盟有朱陈。何须更笑云萍。〔小旦〕参商骨肉浑无定。忻逢面还慰离情。〔合〕且共伊升堂欢笑。淹留清景。

〔生小旦见姨妈介旦〕姐姐姐夫。夜来有慢。〔生小旦〕多有打搅。〔旦〕惶恐惶恐。姐姐。妈妈怎生还不来。〔小旦〕家裏无人。想必就到来。姨娘。几时不见我妈妈了。〔旦〕姐姐。我说与你。

【好姐姐】〔旦〕忆从金舆远征。与你妈妈两个。连枝上分开双柄。姐姐。你那时纔有一岁儿。娇香稚蕊。今看玉树成。〔合〕知忻庆。山河破碎多萍梗。骨肉相逢眼自青。

姐姐。你如今家中还有甚么人儿。

【前腔】〔小旦〕那时侨居上京。娘和女相依形影。〔旦〕你妈妈怕也老了。〔小旦〕风鬟云鬓。今来髻已星。〔合〕知忻庆。山河破碎多萍梗。骨肉相逢眼自青。

〔旦〕姐夫仙乡何处。

【前腔】〔生〕远居金乡古城。〔旦〕好好。元来是山东人。几时到来的。〔生〕探上国出墙红杏。〔旦〕姐夫是前年科举来。想是包了我家大姐。〔生〕青楼梦觉。今将繫赤绳。〔旦〕且喜取了大姐。正是一家骨肉。〔合〕知忻庆。山河破碎多萍梗。骨肉相逢眼自青。

【宝鼎现】〔占〕骨肉骤见天涯。相逢反生悲哽。

〔旦〕呀。姐姐来了。〔占做悲介〕呀。妹子。二十年阔别。且喜容颜如故。〔旦〕姐姐。衰容凋谢。旧业伶俜。不足挂齿。且喜姐姐别来无恙。〔占〕将就粗安。〔旦〕姐姐请坐。〔占〕且住。俺三口儿都在这里。家中放不下。等王姐夫先回。〔旦〕怎么姐夫又要去。〔占〕家裏都是些讨的丫头。託他不得。姐夫是我的亲女婿。还须他去看顾家中。大姐陪你半日儿。晚上与我同回。姐夫。与你钥匙。快回去罢。〔生〕小生便行。北门锁钥应堪任。〔占背介〕东海捞针没处寻。〔生下占〕谢天谢天。我计成也。怎么得胥员外来。〔淨上〕爲忆桑中约。来寻梁下期。〔笑介〕算人真自算。堪笑我痴迷。昨日李大妈约定赚了王商去。等我接他母子去。王商想是去了。此门正是。不免迳入。〔衆云〕呀。员外来了。快去打迭家伙房子。交还屋主。〔淨〕房子还锁了。〔占〕锁他怎的。〔淨〕等我明年到这裏望姨娘。〔占小旦〕又取笑。〔淨〕有隻小舡在城下。先请大姐上船。〔占〕这些家伙与我姊妹怎么去。〔淨〕后边还有船来。〔占〕比这船大些么。〔淨〕前船便是后船的样子。不要问。〔占〕员外只管胡说。且快上船。〔淨〕大姐大姐。想我教解官人约你多少时了。

【玉抱肚】〔淨〕蜂媒曾订。恨花朝屡作变更。〔占〕大姐如今是你的了。〔淨〕喜扁舟已逐鸂夷。且休论越败吴成。心中自省。人生大梦信无凭。蛩触徒然有鬭争。

〔占〕那王秀才有限的钱。怎到得员外。

【前腔】〔占〕狙奴徒逞。问囊空可得再盈。老身受员外厚赠。于心不安。怕辜他玉杵先投。使蓝桥早睹云英。〔合〕心中自省。人生大梦信无凭。蛮触徒然有鬪争。

【前腔】〔小旦〕莺期纔整。爲新欢已失旧盟。〔淨〕章台柳。章台柳。往日青青今在否。

小旦〕看长条攀折他人。想韩郎空赋青青。〔合〕心中自省。人生大梦信无凭。蛮触徒然有鬪争。这王秀才两处寻不见你们。

【前腔】〔旦〕狐疑难定。管教它听彻层冰。大妈。又得老身与你成了此计。算玉车得解重围。也堪旌纪信功成。〔合〕心中自省。人生大梦信无凭。蛮触徒然有鬪争。

〔淨〕王秀才。你

〔淨〕重到天台访玉真。

〔占〕三山不见海沉沉。

〔旦〕侯门一入深如海。

〔小旦〕从此萧郎是路人。

第十七齣 投贤

【生查子】〔生上〕多情燕子楼。马足空驰骤。欲探武陵春。迷却桃源口。

莫信直中直。须防仁不仁。方纔妈妈在姨娘家。教我先回。到他家裏。悄无一人。家伙都不见了。好怪好怪。莫非那些粉头乘机逃去。也不见得。不免再到姨娘家裏报他母子。迤邐行来。此间便是。呀。如何闭了门。开门。开门。〔做慌科又再叫介内应云〕这是空房。〔生〕早间有人在此。如何是空房。〔内应〕前日李妈妈税来喫酒。今日搬去。没人在此。〔生〕原来是烟花之计。早不信王便之言。如今把我囊费哄尽。行李俱无。去住两难。怎生是好。将心託明月。谁知明月照沟渠。且住。前癸灵庙吕公到也认得媚奴。且去试问他平素踪迹。再去寻访。〔行科〕这裏是癸灵庙。缘何也无一人在此。开门。开门。

【前腔】〔外上〕江村绝往来。树荫移清昼。掩卷罢黄庭。谁把双扉扣。

〔见介〕呀。王官人。连日不见。李大姐不来么。〔生〕吕公。一言难尽。昨日与小生同去看姨娘。他母子住下。使小生先回。到家止有空房。都搬去了。〔外〕你还到姨娘家去。〔生〕已去了。也只是空房。〔外〕这等你被他计赚了。你怎么不防他。〔生〕前日犹自说誓。怎么防他。〔外〕官人。它一年在此与人说誓。不知多少。那里信得他。你这等久恋他家。必有缘故。〔生〕吕公。

【红衲袄】我岂知他劣心情似风絮浮。〔外〕拿不定它。〔生〕错与他守盟言磐石厚。〔外〕不止你一个错。有令正么。〔生〕不下堂远弃了鸾凤偶。倚市门随着鹿豕游。他算得那楚重瞳垓下愁。赚得阮步兵穷途走。只教我空戴南冠学楚囚。

【前腔】〔外〕官人。你本是搦管的紫薇堂国土俦。运斤的丹凤楼天匠手。只爲豔笙歌糊涂了金石奏。滥杯觞沉溺了钟鼎谋。管甚么王仲宣难上楼。曾子舆不蔽肘。你不到乌江不肯休。

【前腔】〔生〕他见我侈黄金囊未羞。便只待献红颜身可售。如今我囊金已尽。只见那云归楚峡空馀岫。却笑那水遶天台只漫流。〔外〕官人。你道他那里去了。〔生〕知他啖春莺何处求。多应向章台还折柳。又抱琵琶过别舟。

〔外〕官人。怎么不晓那娼家行径。

【前腔】〔外〕他紫金钗是杀人的两刃矛。翠云翘是陷阵的三尖冑。罗网般迷魂衾与稠。酖毒的夺志觞和豆。若是贪恋他的。饶你邓通钱无尽留。便做子建才遭谗诟。人若是悔气的撞了他。不是冤家不聚头。

〔外〕官人。你如今怎么好。〔生〕便是。小生囊篋罄然。家园迢递。进退无路。特问公公指引。再去寻他。〔外〕官人。你寻他不得。老汉见这里解帮閒说。咎喜员外包了他家中去了。〔生〕好好。解帮閒曾与小生相交。若去问他。必然肯说。

〔外〕这样人翻云覆雨。见利忘义。前日是朋友。今日也不认你了。官人既无处去。只在老汉家中权住。温习经史。草衣粝饭。不须挂心。〔生〕如此多谢。但小生还要一见解帮閒。〔外〕既然要去。老汉相伴同行。〔行介外〕这裏是他家。解小哥。〔丑〕谁叫谁叫。豪门送物鹅伸颈。好客临门鼈缩头。〔外〕小哥。头不是好缩的。〔丑〕学你的。〔外〕老汉还强健。没有缩头。〔丑〕近来学得乌龟法。得缩头时且缩头。一向一向。二位到此贵干。〔生〕小生特来相问。李家搬到那里去了。〔丑〕你不达时务。我又不是鸾凤官。那管得你这歪事。〔生〕当初是足下同去的。〔丑〕你这样人会嫖。我做甚么跟随你。〔生〕反面无情。非人所爲。〔丑〕你这个败家之子。是个禽兽。反来说我。〔生〕不记得喫我的。用我的。就不认我了。〔怒介〕

【大迓鼓】〔生〕衣冠似沐猴。肯嫌牛后。惯逐蝇头。纵苏张得志悬河口。也争知天道如钩。鬼蜮无端。令人怨尤。

【前腔】〔丑〕怜伊乳尚留。笑黔驴无技。辽豕堪羞。〔外〕他是饱学君子。不可粗卤。〔丑〕想仲尼亦似忘家狗。不信你这样人做官。也难知鸛鹖解横秋。黄口无知。令人怨尤。

【前腔】〔外〕君言且莫雠。他辙鱼方困。器鼠难投。小哥不要反了面。想买臣衣锦归白昼。也须知覆水难收。得失由天。何须怨尤。

〔外〕官人不必鬬口。回去罢。

〔生〕词赋曾夸鸛鵩流。

〔外〕鄉人今正贱东丘。

〔丑〕海翁不是忘机者。

〔合〕好爲裁书谢白鸥。

第十八齣 截髮

【一疋布】〔淨上〕都将帅。拥兵权。四郊已晏然。谋谟谈笑酒尊边。腰间斗印悬。

事虏今怀将印。忘君曾竖降旗。笑罵从他笑罵。好官我自爲之。下官因降大金。得此美爵。且喜北兵正劲。南朝甚靡。边境不扰。风尘宁谧。前日掳得些山东女子。多有从我的。只有钜野秦氏。誓死不屈。加以兵刃。全然不怕。欲要强逼他。他必然就死。却不可惜。今日不免带他出来。缓缓劝他。小校何在。〔末〕玉帐秋风肃。莲壶昼漏迟。覆元帅。有何钧旨。〔淨〕快去俘囚中带钜野秦氏两个妇人来。〔末〕领钧旨。〔下带旦丑上介〕

【霜天晓角】〔旦〕旧家庭院。燕麦今应遍。国破家亡命蹇。争如早丧黄泉。〔淨〕

你这妇人。怎么不肯顺我。〔旦〕忠臣不事二君。烈女不更二夫。断不学狗彘之行。玷衣冠之风。不改初心。宁蹈白刃。〔淨〕小校。把这两把剑放在它面前。看他

肯也不肯。〔掷刀介旦丑抢刀介淨〕夺了夺了。〔旦〕吾头可断。刃不可夺。汝若近前。当手刺叛奴。然后自尽。将军不须苦苦逼我。你且迴避。待从容梳妆。〔淨〕得它心肯日。是我运通时。〔淨末浑下丑〕小姐。你不从它。梳妆怎么。〔旦〕春英。我被它凌逼。故设此计。如今截髮破面。残毁形容。他想也不要我了。倘或再来逼迫。将此宝剑。卧起操持。危急之时。自刎而亡。若这叛贼。因容颜损弃置了。留此残生。再见儿夫一面。也不见得。〔悲介丑〕小姐且莫愁烦。

【忆多娇】〔丑〕身陨越。家破灭。无瑕白璧安肯涅。效北海纛臣甘毡雪。〔合〕死殉全节。看虞姬剑血。

〔旦解髮介〕古人云。身体髮肤。受之父母。不敢毁伤。如今也顾不得了。〔悲介〕

【鬪蛤麻】〔旦〕我帛束玄云。知难再结。恨堕马妖妆。污人齿颊。我这头也不要他了。何况此髮。头须断。髮先截。〔悲介〕丈夫。白首无期。与君共穴。〔截髮介合〕衷肠义结。鼎烹甘自决。忍耻轻身。待山崩海竭。

【忆多娇】〔丑〕你言割切。我心断绝。捐躯有志坚比铁。拚青冢孤魂悲沙月。〔合〕死殉全节。看虞姬剑血。

〔旦〕本爲花容。误我受苦。今来也消瘦。〔悲介〕

【鬪蛤麻】〔旦〕我玉貌芳姿。愁来又别。忍沐首膏脣。爲容取悦。丈夫。你不在面前。那里再有眼看人。眉羞妩。目堪抉。我若失节呵。丈夫。九地逢君。赧颜厚甲。〔破面介合〕衷肠义结。鼎烹甘自决。忍耻轻身。待山崩海竭。

【水底鱼儿】〔淨〕玉质天然。摧残更可怜。得成姻眷。胜邮亭一夜眠。

〔淨〕这妇人不从我也罢。怎么截髮毁容。这乱离世那个知道。

【剗锹儿】〔淨〕春红自破桃花面。杀青谁纪柏舟篇。蛾眉逐征战。空悲少年。你若从了我。无限富贵。〔合〕瑶阶上仙。金屏妙选。离黍秋风。休思故苑。

【前腔】〔旦〕堂堂類弁英雄汉。好施巾幗比红颜。〔淨〕他到罵我似妇人。〔旦〕忘雛作鷹犬。偷生苟延。〔淨〕我十万雄兵。害你一妇人。有何难处。〔丑合〕貔貅在前。从教血溅。〔末〕娘子。回心罢。〔旦〕匪石吾心。休思再转。

【前腔】〔末〕头颅秃髮如阉产。争教蜀女且从桓。浮生疾飞电。何妨二天。〔合淨〕你不见我许多姬妾。瑶阶上仙。金屏妙选。离黍秋风。休思故苑。

【前腔】〔丑〕生惭污迹同蝇黽。死留香骨兰荃。红炉任百■〈火夷〉。真金自坚。〔合旦〕貔貅在前。从教血溅。匪石吾心。休思再转。

〔淨〕他既把花容损坏。也没用了。还监在俘囚女子中。慢慢区处他。〔末应介〕

〔淨〕雪彩冰姿未足夸。

〔末〕穷途沦落困泥沙。

〔旦〕红颜胜人多薄命。

〔丑〕莫怨春风当自嗟。

第十九齣 赴试

【破阵子】〔生上〕残暑方归篋扇。新凉乍怯絺衣。故园梦有吟蛩弔。荒馆愁应落叶知。旅怀空自悲。

〔重疊令〕〔生〕山阳忽奏桓伊弄。惊回一觉扬州梦。虫语自凄凉。游人增感伤。家园烟树眇。独鴈南来早。何处觅佳音。关河起战尘。王商。自从别了妻子。来此京都。不觉三载。耐耐泼贱烟花。将我闪赚。几至亡身。幸蒙吕公相留在家。仅免饥寒。温习旧业。想我空有满腹诗书。不能早取青紫。展转人下。岂不自耻。况又家鄉迢递。杳无信音。近闻张安国杀了耿节度。大乱山东。不知我妻子存亡若何。只爲洛阳花好看。却教连理不成枝。〔生〕

【玉芙蓉】长城五字奇。脱颖毛锥利。困泥涂吹彻。冷蠶怨艾。记得王章家贫时节。与妻子对泣牛衣之内。我如今有王章之贫。又不得见妻子。〔悲介〕牛衣不共空流涕。狗盗无媒只噬脐。〔合〕身淹滞。谩高歌剑铗。乐道安贫。待时终觅上天梯。

想马周末遇。流落新丰。后来得常何荐他。做了大官。我终不然落后了。

【前腔】新丰客思迷。望国郷心起。念长房不遇。岂堪缩地。天或者伸我。也不见得。埋龙自惜辉光蔽。失马难将祸福期。〔合前外上〕

【七娘子】男儿未遂平生志。在穷途有谁怜济。学业三冬。鹏程千里。也知终是青云器。

官人拜揖。〔生〕吕公拜揖。小生经年在此。多蒙恩顾。何以报德。〔外〕贫家澹薄。管待不周。惶愧惶愧。〔生〕小生一身得藉提携。已无忧虑。争奈家山兵燹。不知薄业山妻成废存亡若何。〔外〕官人何不且图归计。路上盘缠。老汉儘可效力。〔生〕小生不得一官。何面目见江东父老。〔外〕元来如此。今年正大比之年。官人及早打点入试。看你才学。取科第如反掌。不要蹉过。老汉有粗衣一袭。黄金十两相助你。〔生〕如此多谢。

【鴈来红】盐车正可悲。荷孙阳得见知。他日呵。倘追风电康庄裏。葛屣难忘义。奈李广未侯眞数奇。〔合〕时还遇。春风马蹄。向皇都夸得意。〔外〕念蛟龙久在池。挟风云会有期。看作霖雨乘元气。枯稿皆沾濡。那时节翁子东归免见嗤。

〔合前外云〕粗衣在此。〔生〕

【朱奴儿】若非是终袍见贻。悬鹑结安得蔽体。〔外〕但愿羔羊试委■〈施，虫代方〉。早襦袴政成千里。〔合〕须记取。推食解衣。得志后衔环再归。〔外〕黄金在此。愧不腆兼金餽伊。〔生〕这个决不敢受。〔外〕官人何故推却。又不是暮夜可畏。腰印能如季子稀。恐掷地赋声难比。

〔生〕小生当初因与这烟花设誓。将山妻玉玦。寄放此庙。如今再烦吕公与我收下。成名之后。取归见俺妻子。〔外〕谨领谨领。

长安爲客几经春。

一望关山泪满巾。

惟有感恩并积恨。

万年千载不成尘。

第二十齣 观潮

【秋蕊香】〔淨〕秋满碧梧枝上。飞叶已堪惆怅。〔贴〕织乌驰景。催华壮选。何妨懽赏。

〔贴〕木落风高天气清。钱塘江上暗潮生。〔淨〕吴儿十岁能欺浪。应爲金多视死轻。大姐。今日看潮。酒已安排在此。且与你到江岸边閒看一回呵。〔贴〕员外请行。〔淨〕呀。远远望见两个道士来了。〔末〕

【北清江引】蓬莱五城游半饷。回首遥天上。青蛇袖裏藏。白鹤云中放。乾坤一壶春自广。

〔末〕咱们方上云游。专靠烧丹炼药。江湖上觅利度日。闻得咎员外在此看潮。此人可哄。不免试他一试。〔浑介〕兄弟。近前稽首。〔见介淨〕二位仙长何来。俺不知贵姓。有甚道术。〔末〕贫道马扁。略晓内事。〔淨〕愿闻。〔末〕

【北水仙子】一生身怪两轮忙。半颗丹成九转长。十年梦觉三尸放。问黄婆知未忘。把离龙坎虎能降。腹内婴儿长。胎中婉女藏。这事成了呵。白日翱翔。〔小旦〕

这位师贵姓。〔丑〕贫道姓贝名戎。颇知外丹。〔淨〕这个我每又好愿闻。〔丑〕

【前腔】白铜除铁转晶光。锡软还知缩货强。逢铅脱皂成真相。试倭铅金白黄。打红茆不犯砒礪。草汞乾来易。灵砂母不伤。这事成呵。直甚千箱。

〔淨〕此事却好。请二位到家下投拜爲师。〔丑末〕容日叩谒。〔淨〕在此间看了潮。今日就同家去。权且小酌一叙。〔末〕难得佳辰。遇着员外。又有大姐。不可虚度。各出小令。取乐何如。〔淨〕是。妙妙妙。要两句古人看潮诗。第二句比着席间一位。后来还要顶一句古诗。小子占先了。仙长似内丹。我就说李白诗云。海神来过恶风回。潮似连山喷雪来。〔丑〕后韵。〔淨〕好比丹成生羽翼。碧桃花满玉成堆。〔丑〕好一个仙人。〔小旦〕我就贝师父外丹之术。朱馀庆诗云。暗雪喷山雷鼓声。客帆皆过浪难平。莫非丹鼎中央败。汞海翻秋失太清。〔淨〕好个没用丹客。这鼎银使不成了。〔末〕贫道斗胆。奉比员外。刘禹锡诗。八月清声吼地来。头高数丈触山回。员外真如福地多储积。郿邬黄金自作堆。〔丑〕好好一主大钱。贫道不当比着大姐。罗隐诗云。怒声隐隐热悠悠。罗隐江边地欲浮。大姐却似明朝送人别。泪珠常傍枕函流。〔末〕怎么有许多眼泪。〔丑〕那教你有这许多钱。〔末〕原来见财起意。我和你作甚么。〔丑〕休道本相。〔淨〕将酒过来。

【惜奴娇】天堑钱塘。泻沧溟千里滥觞。非妄分洪■〈彳 𠂔上巾下〉。带束禹门岩障。遐想。罔象神姦。水伯冰姨。乘波吞浪。〔合〕凝望。想赤实自流萍。得似楚人曾赏。〔小旦〕

【前腔】悲凉。霸业兴亡。问何如潮汐。几番消长。烟波上。磨尽古今英爽。踉跄。桂棹蒲帆。利舸名舫。缤纷来往。〔合〕惆怅。念击楫向中流。那有祖生襟量。

〔衆〕潮来了。〔末〕

【蛤■〈虫麻〉序】汪洋。析木扶桑。乍鲸鲵波巷。混迷霄坏。见银山初合。恍移蓬阆。神丧。风骤羽旂张。云屯骠骑骧。〔合〕影微茫。只见怒贾夷鸥。素阵风来

乘涨。〔丑〕

【前腔】迭宕。沃日汤汤。怕高陵爲谷。倒翻银浪。看这神州百雉。忽惊摇荡。游漾。柔橹蚁队扬。轻身鸟羽翔。〔合〕且徜徉。不见射弩英雄。玉匣又陈宿莽。〔淨〕

【锦衣香】紫陌长。朱楼敞。绮縠香。珠玑晃。士女王孙。马蹄车鞅。〔小旦〕纷纷七贵竞新妆。花生绣带。月偃明璫。〔合〕想人间乐事。称心怀几多豪放。浮蚁馀春盎。管絃嘹唳。高歌胜集。无边清况。〔末〕

【浆水令】伢阳侯倏回舂蟹。望灵潮逡巡已降。〔丑〕高城落日半林黄。汀洲澹澹。烟景茫茫。〔合〕澄秋练。明似掌。遗钿堕羽纷相向。天街晚。天街晚。归人闹攘。纱笼照。纱笼照。巷陌生光。

【尾声】〔合〕千金莫惜供醅酿。对景逢时懽畅。来日阴晴未可量。

〔淨〕请二位同回。〔末丑〕员外先请。贫道明日准到。〔淨〕拱伺。

纵酒高吟兴更饶。

帝城秋日似春朝。

一年好景君须记。

过了钱塘八月潮。

第二十一齣~第三十六齣

第二十一齣 对策

【上林春】〔外〕明镜无尘。朱丝恆直。南宫裏已看彻棘。英雄济济踰跽。多少青霄门客。

〔外〕彤日罽毼映玉除。未央初驾五云车。万言独对天人策。借问谁如董仲舒。下官宋朝中翰林承旨。奉上命省闱校文。今日率领举子临轩策问。不免在此伺候。〔生〕

【步蟾宫】初闻严辟传清禁。丹墀肃鹵簿方陈。日华浮动袞衣新。愿竭草茆忠愫。

〔生〕贾谊登朝日。终军对策年。校文升广内。抚剑入崇贤。王商。得蒙吕公助资应试。且喜成名。今当大廷敷对。圣驾已升殿了。〔外〕廷试诸生。不得近前。只此敷奏。皇帝清问方今致治保邦之急务。各陈所见。以备采择。〔生〕臣闻国家之患。莫先于北虏。爲治之要。在急于复仇。切见靖康中徽钦二圣。〔生〕

【刮鼓令】鸾舆陷虏尘。竟号弓塞月昏。空梦断长陵坏土。朔漠当悲杜宇春。当时二三执政。立议和好。因循忘战。庙议主和亲。父母之仇不共戴天。兄弟之仇不反兵。与毡裘戴天。神人共愤。愿吾皇薪胆幸留神。念齐襄九世恨犹伸。

〔外〕方今国计。更有何者爲急。〔生〕臣闻王者必亲中国以爲天下枢。今中原既失。偏安一方。非远略也。〔生〕

【前腔】乾坤久战氛。叹黄图已陆沉。江左偏安如黑子。九鼎相将睨楚人。〔外〕只恐壤地褊小。不能兴复。〔生〕百里可行仁。包羞爲痛。衣冠左袵。愿吾皇宵旰法惟勤。念太康一旅再兴殷。

〔外〕恢复之策。何者爲先。〔生〕若欲兴师。莫先任将。

【前腔】宣神武播闻。作鹰扬须虎臣。敌忾执俘仍鬬土。可乏长城细柳军。命将得人。则邦家奠枕。国命此攸存。分符授钺。当专委任。愿吾皇推轂早咨询。念周宣方叔建殊勲。

〔外〕知人则哲。惟帝其难。何道可以遂得良将。〔生〕若欲知人。当先择相。宰相之职呵。〔生〕

【前腔】贞庶尹秉钧。亮天工弼一人。看论道经邦廊庙。进退贤愚义我民。宰相得

人。则天下不劳而治。苟非其人。民受其殃。治乱岂无因。人情梦卜。前闻未泯。愿吾皇睿鑑别莠薰。念成汤伊尹学而臣。

〔外〕王省元诸策。条对详明。识见超异。天颜甚喜。就有玉音传降。〔生〕多谢先生提携了。〔旦淨举袍笏上衆〕

【满园春】晁董文章入紫宸。神龙一跃到云津。袍赐椒宫。肱传金殿。名题仙禁。

奉旨。钜野王商。第一甲第一名。授翰林学士。鸿胪寺具鼓乐送状元归第。〔生谢恩介生〕

【二段鲍老催】绳枢贱贫。分柴桑终淹此身。一朝发轳。向枫陛躬逢湛恩。康庄逸足骅骝迅。平生伏枥堪纾忿。看文章贵。五色丝。天机锦。十年牕下无人问。〔合〕声名一日天下闻。男儿到此真豪俊。〔外〕

【前腔】藏珠席珍。际亨嘉堪爲凤麟。拔茅彙进。奉天语方传帝阍。神鱼烧尾轰雷奋。从前谢却泥沙困。看头颅异。清路尘。依龙袞。还抒经济胸中蕴〔合前丑〕

【节节高】官袍柳色醇。照青春。玉骢蹀躞香街稳。姮娥近。绮绣围。箫韶引。红楼十二懽声震。长安得意花如锦。〔合〕簠羽夔龙赞明良。雍容载歌赧尧舜。

【前腔】〔旦占〕红绡御饼新。荐芳芬。八珍异馔天厨进。芝封印。玉笋英。泥金信。巍巍鴈塔荣光峻。玉阶金许联方寸。〔合前〕

【馀文】他年佩取黄金印。看宇宙崇功还振。始信文章可立身。

〔生〕对罢丹墀日未斜。

〔外〕相如词赋万人夸。

〔合〕春风得意马蹄疾。

一日看尽长安花。

第二十二齣 改名

【丹凤吟】〔淨〕情如撒沙。耻如出胯。风流子弟光光乍。甘尽苦来。做场话靶。

小子爲人最庸。生来便靠祖宗。岂知锅儿铁铸。饭饱不问农工。日日轻裘肥马。街坊惯吓儿童。谁料灾星照命。撞了烟花五通。只管吹弹歌舞。那知春夏秋冬。黄金视如土块。白镪当作青铜。害得人离业破。反面不肯相容。教我家难奔。跟他做个乐工。〔内云〕这是忘八。不好做他。〔淨〕正是明知故犯。也因业在其中。咎喜。前日颇有家货。因爲这李媚奴。两三年间。破费几尽。又撞了两个鍊丹的。哄我那辘千金。指望复本。被他夜间放火焚尽。拐了银子去。使我上无片瓦。下无寸土。这裏又要捻我出去。怎生是好。且待李大姐出来。计较则个。〔旦〕

【行香子】弄柳拈花。粉黛从夸。有高枝任却栖鸦。相亲敢论俗子豪家。逐兴衰。观成败。受波渣。

〔淨〕大姐爲何愁眉不展。〔旦〕我两日爲你受尽了气。不如死休。〔淨〕我晓得妈妈要捻我去。只是我已无家可归。又且撇你不得。〔旦〕我却雇你不得。两日没使用。被你妨占。不好留人。妈妈打我。〔淨〕你自留人。我不喫醋。〔旦〕人来见你。有甚名色。〔淨〕只说是后生便了。〔旦〕且看妈妈怎么说。

【石榴花】尤云殢雨。堪笑似飞霞。愁緒起。乱如麻。〔淨〕是我累你受气。〔旦〕〕门庭谗语鎖喧譁。〔淨〕许嫁我也空了。〔旦〕料今生难倚蒹葭。你也怪我不得。我是梁园豔葩。恨彩幡无力与东风嫁。也空教碧玉多情。恐明朝又属豪家。〔淨〕

【前腔】娇红嫣紫。贪看洛阳花。胶与漆。似抔沙。毫釐千里定谁差。也空劳梦遶琵琶。我前日未来之时。豪腴可夸。想燎毛已被傍人诧。悔当初错认仙源。使刘郎归去无家。

〔占上〕人无千日好。花无百日红。只因一着错。满盘都是空。孩儿。家裏没柴没米。外边债主又来。你只贪快活。那肯雇我。〔内叫〕大姐有客。〔旦下占〕姐夫。我这家。只图钱财。不顾礼义廉耻。你在此难道不要你使钱。不如归家。寻些营运。有暇再来。免得误你。〔淨〕妈妈。你明知我房屋一空。妻子又出了家。人离财散。无处可归。不要奚落我。如今由大姐留人。〔跪介〕念我无家。容住少时。另有计较。人来见我。只假做后生便了。〔占〕要做便做。怎么假得。这是哄人的法儿。〔淨〕你哄了千千万万人。我怎哄得你。〔占做怒介〕

【泣颜回】填臆气交加。子阳眞井底之蛙。〔淨〕你女儿曾许嫁我。〔占〕呸。我的女儿。金屏幽雅。怎终教彩凤随鸦。休如艾豕。便糊涂不肯相干罢。彼一时也。此一时也。不比前日了。也须知王谢堂前燕。应归百姓人家。〔淨〕

【前腔】嗟呀。使我失光华。身依井閤。迹类天涯。〔占〕你还归去了罢。〔淨〕人消物化便归去呵。怅黄台抱蔓无瓜。〔占怒扶淨出介〕我不管你。快出门去。〔

淨〕妈妈。情愿做了后生。伏侍你家罢。〔占〕你若是不肯干事呵。莫怪我要打你。
。〔淨跪介〕鞭策可加。论佣奴怎敢辞嗔骂。想何如季布难归也。髡钳自卖朱家。

妈妈。诸般肯做。只不要差我远去。〔占〕远去怎么。〔淨〕怕你到姨娘家裏去了。
。〔打诨介〕

〔淨〕舞裙歌曲逐时新。

〔占〕散尽黄金只此身。

〔合〕寄语富儿休暴殄。

俭如良药可医贫。

第二十三齣 接望

【谒金门】〔生上〕愁思重。飞叶满阶秋送。回首家山归路永。几番频入梦。

〔阮郎归〕宫枰新惹。御炉香残。不知薰麝兰。八砖晴日度雕簷。紫薇花影团。箫引凤。镜羞鸾。梨云幽梦寒。故园长望路漫漫。相思枫叶丹。皂隶。衙门口伺候。怕有客来通报。〔丑介生〕王商。幸喜登第。叨蒙圣恩。备员学士。平生志愿已遂。羞耻尽雪。争奈我妻子远在一方。道路干戈阻绝。不能彀接得他来。共享富贵。如何是好。且待奏过朝廷。觅一差遣还家便了。我当初只道填委沟壑。争知又有今日。夜来直宿。曾蒙招问。撤御前莲烛送归。这等荣宠。

【风入松】青藜宵永玉堂空。又金莲撤送。盘雕赐锦沾恩宠。是凿壁囊萤曾种。若非吕公警省。我已作他鄉之鬼。几璽玉昆冈火中。须还念徙薪功。

昔人待贤。夏屋渠渠。每食四簋。以爲隆礼。我今呵。

【前腔】尚方珍饌给殮饗。尽天厨供奉。追思寄食眞如梦。喜充鼎雉膏成用。念不得糟糠妇同。空怀愧禄千鍾。〔末上〕

【谒金门】土宇方惊骚动。问臯欲全忠勇。天讨堂堂锄窃弄。肯将羣丑纵。

下官辛弃疾。昔爲天平节度耿京监军。张安国贼杀耿京。下官志欲讨贼。单骑逃回。不想卧疾家居。忽已二载。方得请命王上。已下中书省诏遣张浚征讨。缘係重臣

。又差学士王商慰劳。下官不免先到王学士寓所报知。此间就是。门上通报。〔丑〕报介。〔生接见介生云〕大人贵职。〔末〕下官天平节度监军。〔生云〕不是大人上表讨张安国么。〔末云〕谋之不衷。惶恐惶恐。〔生云〕忠义之士。何幸快覩。昨闻廷议。欲遣下官慰劳张节使。不知果否。〔末云〕圣旨已下中书了。〔生云〕辛大人。且试说耿公何以被杀。〔末云〕那耿节度三年之前。〔末〕

【五供养】旂旄初拥。铜虎承恩。保障山东。反戈惊内讧。玉帐殒元戎。〔生云〕那张安国后来如何。〔末〕他杀了耿节度。投了那金邦。称臣委质。狐鼠方私荣宠。下官一向卧疾家居。未抒袁粲志。徒抱伍员忠。幸喜得请于朝。闾阖天阍。已传丹凤。〔生〕

【前腔】兵戈冗冗。目断粉榆。谩有新丰。〔末〕王大人离乡几时了。〔生〕一官方结绶。三载困飞蓬。风尘故园。荆棘空悲丘壠。〔末〕府中更有何人。〔生〕耦耕惭冀缺。举案忆梁鸿。〔末〕元来有夫人在宅。〔生〕爲问柴桑。几时归咏。

〔丑堂候官上〕羽檄连朝暮。戎旃匝迤遐。将军待明诏。一举靖胡沙。自家中书省堂候官。奉丞相老爹之命。王学士衙中稟事。不免参见。〔见生介生〕你是那裏。〔丑〕中书省堂候官。丞相差来拜上老爹。圣旨差往张节度军前慰劳。请先治行装。命下便行。〔生〕回去拜上。已晓得了。〔丑应下末〕王大人。明日想必有旨下来。下官到寓所收拾。相待同行。

【江儿水】暗想秦庭下。泪雨红。包胥怒血如泉涌。六月徂征王师动。螳螂敢奋当车勇。那叛贼呵。怎保醢鸡天瓮。〔合〕献馘来归。听取凯歌传讽。〔生〕

【前腔】举目山河异。豹虎丛。纵横胡马腥羶衆。四牡委迟心无恐。王程靡盬遑将奉。辛大人。你此去纲常增重。〔合前〕

〔生〕眼中羣盜尙纵横。

谁识逋逃家客情。

〔合〕边将祇今多衛霍。

犬戎巢穴一时平。

第二十四齣 传旨

【宜春令】〔外淨上〕忆当年汗马劳。矢石间功成建旄。维藩隆委。犹惭颇牧营边徼。扫寇讎玉辂重归。奠邦家金瓯还保。〔合〕方显事君以忠。史书垂耀。

〔鹧鸪天〕〔外〕天地尘昏九鼎危。大貂曾出武侯师。一心忠赤山河见。百战功名日月知。传诏日。受降期。征西车马羽书迟。金舆远幸无人问。正是将军效死时。下官非别。乃是张浚。见任江淮节度使。于时多难。累立战功。得蒙圣恩。方推重鎮。如今全师驻扎淮阳。且喜军威远播。胡虏侧目。渐有兴复之机。曾奈庙堂决策。动辄齟齬。如何是好。不免整饬戎务。待时而动。衆小校何在。〔内应介外〕方今秋高马肥。恐有胡骑犯境。传令各营将士。用心设备。〔外〕

【前腔】遍清淮秋已高。乱悲笳边风怒号。胡儿铁骑。莫教牧马沙场草。立战功须要搴旗。壮军声何妨增灶。

〔合前外〕辕门外甚人喧嚷。〔淨〕告老爹。圣旨到了。〔外〕疾忙迎接。〔生〕

【转仙子】四牡皇华关山道。奈鞅掌迢遥。〔末〕边塞静狼烟消。禁远龙城天渺。〔合〕见辕门正肃。万骑弓刀。

〔末〕王大人。此间帅府。和你迳入。〔外接介生读〕皇帝手勅。付江淮节度使张浚。顷者张安国贼杀节度耿京。叛降金酋。荼毒东土。渎纪犯顺。实撓朕怀。卿之忠勤。朕所倚赖。特遣近臣。慰劳军前。其率全师东征。讨贰胡虏者。俘馘以闻。爰有殊赏。以答元功。辛弃疾可授行营都总管。执功迁擢。往哉毋忽。〔衆谢恩外〕学士大人请坐。〔生〕节使大人请。〔外〕总管坐了。〔末〕不敢。〔坐介外〕学士大人。远劳衔命。何以克当。〔生〕王命下临。安敢自惜。君父之讎。臣子共愤。望大人早蚤兴师。〔外〕下官素有恢复之志。曾奈庙议蹉跎。是以如此。想京都不胜黍离之恨。

【梁州序】龙盘皇国。霞开清庙。叶满空官驰道。甘泉宸驾。鸾旂远簇江皋。当时扈跸之臣。那有血沾嵇绍。担荷桓康。负耻终难效。自今当誓死破贼。玉门拚白首。老班超。直取扶桑铜柱标。〔合〕图死战。靖羣盗。君恩誓却捐躯报。社稷植忠孝。〔生〕

【前腔】登坛名将。专征元老。帷幄从容谈笑。谋谟先定。胸中已失萧曹。试看亚夫营垒。光弼旌旗。武略由来少。汉家应只数。霍嫫姚。一寸心悬日月高。

〔合前外〕辛总管。耿元帅当时也有将才。〔末〕

【前腔】拟掀天独树勳劳。奈湔露先逢残暴。如此呵。但荆榛荒塚。断猿啼啸。下官今日空有新亭悲愤。入厕孤忠。白刃诚甘蹈。一封天子诏。下丹霄。结束征车换

黑貂。〔合前淨〕

【前腔】建保釐东土旃旒。膺宠眷西征裘帽。这桓桓神武。并驱方邵。谩有围碁别墅。诛月高楼。国事萦怀抱。山河兵革裏。羽书交。折戟沉沙铁未销。

〔生末〕今日王命敷宣。将军领兵。须索在意。〔外云〕谨领谨领。

〔外〕奉命山东抚乱师。

〔生〕日驰三百尙嫌迟。

〔合〕羌胡血变黄河水。

泉首当悬白鹊旗。

第二十五齣 梦神

【忆秦娥】〔旦上〕神不定。秋声到夜偏难听。〔丑〕偏难听。酣风战叶。萧萧相应。

〔醉太平〕〔旦白〕愁多病慵。心间梦中。未归游子如蓬。阻关山万重。〔丑〕离魂感惊。牕寒夜空。不禁斜月疎钟。〔旦〕更长天断鸿。春英。我和你当初被这贼掳来。几番临逼。因我截髮毁容。又得这口宝剑自衛。仅免污辱。此贼一向跟随兀术征战。把我拘囚在此。二年有馀。指望得见儿夫。忍死以待。我想起来。怎得个团圆之日。不如乘此贼未回。决意自尽。免遭毒手。〔丑〕小姐请自宁耐。且待临难而死。未爲迟也。〔旦〕你看圉圉寂静。秋夜萧条。怎捱这凄凉之景。〔旦〕

【山坡羊】夜迢迢圉扉人静。气萧萧桁杨秋冷。露濛濛月轮半明。昏惨惨照我形和影。旅鴈征。嘹嘹入塞声。昔人曾託鴈足传书。如今纵寄得书呵。长安荡子居无定。怕泪血空絨素帛行。〔合〕浮生。春来薄似冰。离情。秋来叶又零。〔丑〕

【前腔】恨绵绵鸾分青镜。心怨怨瓶沉深井。语凄凄閒阶候蛩。幽寂寂一室如悬罄。魂暗惊。谁家砧杵鸣。想这时节寒衣都成了。我官人呵。天涯正切无衣咏。肯信寒衣寄不成。

〔合前丑〕小姐。夜深了。和你去睡罢。〔旦〕我也要睡了。〔睡介旦〕春英春英。我也顾你不得了。叛贼归来。倘又逼我。少不得也是死。不如先死。落得完名。

本待拔剑自刎。又恐血污衣裳。不若解下裙带。绞死便休。〔旦〕

【二郎神】罹灾眚。叹三年把身拘坎穽。念修短荣枯皆已定。要成仁取义。鸿毛视死何轻。古来烈女。多少慷慨杀身的。刎颈投崖心耿耿。谁待去偷全首领。烈铮铮。史书上教人永播芳声。〔旦〕

【鹧鸪】丈夫呵。和伊结髮同死生。你如今呵。存亡尚自难明。我便先死了呵。在九地黄垆须待等。只怕似从前玉块无凭。真成薄命。罢罢。纵然地下不能见你。也落得个不亏名行。泪盈盈。料此身终天抱恨幽冥。

〔拔剑看科〕这口宝剑。与我相守三年。今日何忍弃他。

【啼莺儿】鱼肠出匣风雨鸣。想你铸时节呵。雄雌跃冶曾并。奈一朝分影丰城也还同我孤另。我想子胥文种。这等忠贤。不免镢镂之厄。何况于我。便镢镂沾濡血痕。剑呵。要学你心肠刚硬。徐君爱季札之剑。悬于墓上。我要你爲殉。那得葬所。想青萍。高悬宰树。何处是佳城。

卧起操持。多亏此剑衛我之身。今日永别不免拜他几拜。〔旦〕

【御林莺】操持久。卧起并。幸无他豹虎攫。不堪长别添悲哽。不是我弃了你。将成令名。须拚此生。蜉蝣那得延俄顷。恨难平。山头化石。只作望夫形。

〔做绞科倒地介外〕神理昭昭疾。天明听视长。爲非有鬼责。作善降百祥。吾乃癸灵庙神是也。庙在钱塘江上。王商状元妻子秦氏庆娘。被掳守节。自绞而死。此人后当两国封恩。不久夫妻重会。不免救他还魂则个。鲸波使者何在。〔淨上舞介外〕卽忙与我掣断衣带。救取烈妇返魂。〔淨救介外〕秦庆娘。抬起头来。听吾分付。叛贼将诛灭。夫君已显荣。团圆逢玉块。咫尺在神京。大抵乾坤都一照。免教人在暗中行。〔并下〕

【忆秦娥】〔丑〕新霜初入衣裳冷。荒鸡叫断惊魂醒。天色明了。〔见旦做诡介〕呀。小姐苏醒了。〔旦醒介旦〕惊魂醒。梦中神语。分明昭应。

〔丑〕小姐爲何如此。〔旦〕我想叛贼回来。恐遭其手。夜来解带自尽。忽见两个天神救我。明明说道。反贼将灭。夫君已贵。不久神京玉块再逢。或者丈夫得了功名。也不见得。只不知我几时得见玉块之而。〔作悲介丑〕小姐。鬼神之理。不可不信。且自安心待时便了。

【黄莺儿】〔旦〕冥漠有归程。向沟渠甘自经。瓦全争愿图侥倖。若得见我丈夫呵。花开雨晴。云收月明。似秦生破械天心应。〔拜天介合〕谢明灵。精神感格。从

此是餘生。

【前腔】〔旦〕天暮若爲明。顿教人涕满膺。三年縲紲相依凭。若依梦中之言。镜分可并。珠沉再徵。神灵救你。也非偶然。想河神不爲琼纓请。〔合前〕

〔旦〕平生坚节傲冰霜。

〔丑〕一点丹心格上苍。

〔合〕千古纲常终不死。

汉宫徒说返魂香。

第二十六齣 擄忠

【梁州令】〔外上〕绝江向夜卷红旗。伺南国游兵。暗维舳舻待扬舲。〔末〕杨柳岸。桃叶渡。蓼花汀。

萧萧落木大江空。宿鹭州边断苇中。亭长舣船知有意。恐教项羽过江东。自家乃是金国元帅相錡部将季筹。俺主帅见在眞州驻兵。差俺领一枝军卒。江上巡逻。打探南朝军机消息。此间已是金山了。谋克过来。〔末应介外〕今夜月明。恐有南人渡江。和你轻舟伏在芦苇之中。但有人来。卽忙拿住。〔末〕领钧旨。

【四边静】〔外〕清秋淨练方澄碧。烟空楚天夕。一举困曹瞞。周郎有奇策。〔合〕旌旗偃抑。藏机遁迹。沙渚月明寒。扁舟定谁识。〔末〕悲风野树生萧瑟。衔枚枕长戟。半渡击龙且。淮阴已先得。〔合前做移舟伏睡科〕

【梁州令】〔生〕玉堂金马鲁诸生。爲王事遐征。似宣尼微服宋郊行。风月好。秋江上。暮潮平

虎穴游行独怆神。孤忠宁似伍胥眞。见葭极月连沙岸。谁是沉舟渔丈人。王商奉命张宣抚军前慰劳。竣事还朝。来到瓜州。虏骑出没之地。怕有疎虞。将随行骑从顿放十里之外。微服轻身渡江。此间到有个小船。不免叫他渡过江去。〔叫介外末做听科〕这是个南人声音。快撑船就岸。〔见介生上船见外做惊科外〕好好。正是南朝人。拿去拿去。〔生〕我是个书生。拿我怎的。〔外〕正要拿你。谋克。先到金山寺去。〔做行到介外〕疾忙报主帅。拿了一个南朝书生。羈禁金山寺中。听候钧旨。〔末应介外〕先生此行何往。〔生〕你不必问我。〔外〕先生必有谋王断国之

才。俺敢举你主帅军前重用。立取富贵。〔生〕你不知道。

【四边静】〔生〕天池彩凤双飞翼。安能止荆棘。许国有葵心。苌弘血同赤〔合〕临安帝邑。长江限隔。归去节毛零。相将髭丝白。

〔外〕如今金国强盛。不比往时。〔外〕

【前腔】凭陵冒顿真勍敌。楼船久无绩。城下旧盟寒。桀盈几时释。

〔合前外〕先生有此人才。时下与南朝相征。正要战书。烦与俺一作。〔生怒〕

【福马郎】五色如椽馀彩笔。肯效中郎贵。从叛逆。你若要俺做呵。但有征蛮诏。喻巴檄。〔合〕生死竟难测。忠和义一似海沉石。

〔外〕你不见李陵。

【前腔】〔外〕汉将英雄图死击。深入单于地。还屈膝。他便有才呵。谩说河梁句。水阳什。〔合前〕

〔生〕苏武餐毡阨数穷。

〔外〕张巡嚼齿竟成空。

〔合〕紫台月落关山晓。

十载长安是梦中。

第二十七齣 侵南

【北新水令】〔淨〕龙争虎鬪几年馀。解征鞍华山归牧。手中持玉节。腰下佩金鱼。脱却戎服。把貔貅暂停驻。

下官张安国。自投顺北朝。收复山东。累官都元帅。一向提兵。跟随郎主征战。今方罢战归来。且把三军暂憩。想俺凭着武艺。历了多少死战呵。

【北庆宣和】撼动天关与地轴。到处收复。你只看那血战韩彭在何许。势与命欤。

算这功名也没用处。到不如弃官归。

【北折桂令】〔淨〕我爱杀那陶潜五柳疎疎。柳下东篱。多少黄菊。直待要迷却诗魔。勾将酒债。掷了兵符。问甚么台筑就风云双毂。赋裁成华藻三都。谩问贤愚。那论赢输。俺如今呵。急待悬车。谢却居诸。

【北鴈儿落】〔末〕冷飕飕霜芜蘼绿汀。阴惨惨风叶酣红树。忽律律星驰一道尘。愁黯黯夜走千山路。

早已到辕门上了。告主帅机事。〔淨〕探子。有甚么声息。〔末〕

【北得胜令】乱纷纷插羽晓驰书。急争争张弦夜鸣镞。〔淨〕还见甚么。〔末〕骤昏昏四下裏尘头聚。〔淨〕这是车骑来了。〔末〕闹喳喳林端鸟雀呼。〔淨〕莫不是有伏兵。你见他多少军马。〔末〕密匝匝的征车。扑通通不住价喧鼙鼓〔淨〕有步卒么。〔末〕猛赳赳武夫。〔淨〕有多少旌旗。远悠悠旆旃呵想你趁逐。

〔淨〕他爲甚么起兵。

【北鸳鸯煞】〔末〕辛监军妄奏南朝主。〔淨〕元来辛弃疾那厮一个领兵。〔末〕降皇宣恼杀张安抚。〔淨〕他几时过淮。〔末〕十万雄兵即时飞渡。〔淨〕他那裏有甚么阵势韬略。管甚么阵列风云。韬略谙龙虎。〔淨〕他军马到那裏。〔末〕未捣幽燕。直待要收东鲁。须索是张武旆。建牙纛。及早辕门戒戎伍。

〔淨〕不怕他。急忙整理迎敌。

【北络丝娘煞尾】〔末〕俺这裏片时间扬威奋武。管教他一霎时地缺戕破斧。

〔淨〕军门都尉何在。〔丑上〕青海闻传箭。天恩报合围。一朝提剑起。上马卽如飞。覆主帅。有何号令。〔淨〕南朝遣张浚统兵来取山东。你先领一万步卒。五十里外掘一陷坑。别遣骁将领兵。一路埋伏。相机截杀。俺大军随后而来。一鼓擒之。乘胜杀向南朝。论功陞赏。〔衆〕领钧旨。〔淨〕

【南倒拖船】严部伍。选征徒。选征徒。登城奋臂且高呼。且高呼。纵有如云千万旅。长平战骨尽教枯。尽教枯。〔合〕学取中山张刺史。乌丸戈甲混舆图。

【前腔】〔丑〕占暘雨。相孤虚。相孤虚。兵家神变在须臾。在须臾。设伏疾趋乘隘险。马陵万弩定先储。定先储。

〔合前〕。

【前腔】〔末〕乘胜去。袭皇都。袭皇都建瓴南下好长途。好长途。一拔金城如压卵。逡巡衔璧出降车。出降车。〔合前〕

〔淨〕放火烧奚帐。

〔丑〕分旗筑汉城。

〔末〕十年骑战马。

〔合〕今日始知名。

第二十八齣 交兵

【女冠子】〔外上〕鸛鷀裘冷。凄风淡日边城。破垒残营。黄沙白草。但闻断角悲笳相应。〔末〕彤庭今得请。更喜方叔桓桓。千里提兵。〔合〕爲看宣威神武。阊外一声将军严令。

〔外〕卫青开幕府。杨僕将楼船。〔末〕欲断阴山路。单于莫近边。〔外〕辛总管。这是那裏。〔末〕告元帅。正是东平境上。〔外〕传令三军。安营造饭。剋期交征。怕有伏兵。先遣一将搜山开路。〔末〕领钧旨。〔传令介〕

【柰子花】〔外〕统熊黑万骑天兵。度山川古碛分营。藏机蓄锐。歼夷鴟獍。张九伐庙谟先定。〔合〕且须听。把功业早铭鍾鼎。

【前腔】〔末〕看雕戈鏖甲峥嵘。尽褰旗斩将豪英。腥羶羣丑。一朝戡定。试七擒运筹决胜。

〔合前末〕告主帅。营垒已安。行伍皆备。就来进兵攻击。〔外〕快去快去。〔衆〕援桴且作三军气。夺槊还枭大将头。〔下〕

【金钱花】〔淨领衆上〕铁马逐电飞腾。飞腾。甲士如虎横行。横行。秋风吹劲绿弓鸣。挥羽扇。掉云旌。整部曲。快先登。

〔淨〕前面尘头起处。想是南朝人马。快摆了阵势。〔外领衆上〕

【前腔】〔衆〕聚米先识山形。山形。破竹方振军声。军声。看千羣面缚向天京。狐兔穴。尽沙崩。还再筑。受降城。

〔外〕上前打话。〔丑诨介末〕那叛贼。耿元帅有何负你。把他夷灭。天兵到此。兀自不肯投伏。〔淨〕天命在内。非汝鼠辈所知。上前交战。不须口舌。〔做战缚淨介外〕张安国。你这厮当元是耿节度裨将。谋杀了他。投了北虏。背人之德不义。斩人之祀不仁。废臣之节不忠。今日到此有何话说。〔淨乞命介外〕把张安国槛车囚解到御前。随住家属俘囚人口。俱到京师处置。〔衆应介〕

【生姜牙】〔外〕天河洗甲兵。蠹蚕荆。长蛇封豕空驰骋。啣王命。讨不庭。扫侵境。岱山哀哭无苛政。〔合〕捷书先奏未央宫。他年麟阁扬名姓。

【前腔】〔末〕终军愤未平。请长缨。卢龙已繫单于颈。迁商鼎。鞭楚平。城鄢郢。除凶雪耻功全盛。〔合前〕

【前腔】〔丑〕戎车甫载征。俨雷霆。徐方枕奠淮夷静。疲癯拯。黎庶宁。衣冠幸。汉家营垒旌旄正。〔合前〕

〔外〕贰师殊赏悬。

〔末〕三箭天山定。

〔丑〕借问行路人。

〔合〕何如霍去病。

第二十九齣 商嫖

【三台令】〔小旦〕绣帏香阁豪奢。何以中林兔置。暗裏自伤嗟。又还恐打草惊蛇。

不如意事常八九。可与人言无二三。自从咎喜来俺家中。把家貲荡尽。此人别无养生之术。捻他不去。情愿做了小郎。叫他做招财。因被他使酒作闹。人都怕来了。妈妈怀恨。要害他性命。是我不肯。虽然如此。终非久计。怎生是好。正谓可人期不来。俗子挥不去。〔淨〕此处不留人。那有留人处。大姐唧唧啾啾。说些甚么。〔小旦〕招财。你如今不可使酒。人面前露出本相来。只说俺家没上没下。〔淨〕你这人家有甚么上下。我如今再不了。〔小旦〕走进去。有客进来了。

【吴小四】〔丑〕风又狂。雪又斜。邻家无酒赊。忽听弦歌在那些。望却朱楼近狭邪。何妨驻小车。

彩云楼宇傍江开。乘兴探梅踏雪来。欲解千金供买笑。〔淨〕看君明岁做招财。〔小旦见丑介丑〕这个小郎到有些文彩。他说我招财。好利市。好利市。〔淨〕说我的招财。〔丑〕怎么说。〔小旦背扯淨介〕官人不要说他。它说姐夫到此。定有赏赐。却不是他招财。〔丑〕正是正是。〔小旦〕官人贵姓何处。〔丑〕我是江西茶商冯五郎。〔小旦〕莫不是当初冯魁员外一家么。〔丑〕正是正是。我有一担好茶。送与大姐。〔小旦〕怎么用许多。〔丑〕如今子弟喫空茶的多了。〔淨〕我不是喫空茶的。〔丑〕呵呵。这奴才你倒是子弟。〔淨〕俺不是子弟。你便是徒弟。〔丑〕怎么徒弟。〔淨〕要你替头。〔小旦扯淨介〕快整酒来。〔淨诨下丑〕怎的这小郎没规矩。〔小旦〕元有些风顛病。〔淨〕有钱鬼可使。无钱身做主。酒在此。〔小旦〕冯官人。且请一盃。〔丑〕大姐。央你唱一套马东篱百岁光阴。〔小旦做北调唱介丑〕我不喜北音。要做南调唱纔好。〔小旦〕也罢。

【集贤宾】〔小旦〕光阴百岁如梦蝶。回首往事堪嗟。昨日春来花又谢。急罚盏夜阑灯灭。秦宫汉阙。但衰草牛羊平野。〔合〕无话说。儘废了渔樵周折。

〔丑〕我也学你唱个儿。

【前腔】〔丑〕荒坟废垄馀断碣。纵横不辨龙蛇。投至得狐踪与兔穴。问多少英雄豪杰。魏耶晋耶。恨鼎足三朝分裂。

〔合前〕我也唱一个儿。〔淨〕

【莺啼序】天教伊富莫太奢。无多好天良夜。富家郎直恁铁心。空辜锦堂风月。斩眼间红轮又西。青镜裏朝添白雪。〔合〕鸠计拙。葫芦提且教妆呆。

〔丑〕到是招财唱得。赏酒与他。〔做与酒淨背扯小旦替饮丑做见介小旦遮掩科〕

【前腔】〔小旦〕人生迅疾坡走车。上牀鞋履相别。喜红尘不到门前。青山正补牆阙。又屋角偏遮绿阴。雅称我竹篱茅舍。

〔合前丑〕招财。斟酒与大姐。〔淨斟酒飲残与小旦丑做见介小旦掩介〕

【琥珀猫儿坠】〔丑〕晚蛩吟罢。一觉甫宁帖。万事鸡鸣无罢歇。争名夺利几时彻。〔合〕差迭。穰穰蜂衙蚁兵蝇血。〔淨偷酒醉〕

【前腔】〔淨〕裴公绿野。陶令白莲社。爱杀黄花秋那些。带霜紫蟹羹红叶。〔合〕懽悦。几个登高酒杯时节。〔淨做醉席上诨介〕

【尾声】莫教北海来清夜。嘱付顽童记者。爲道东篱醉了也。〔丑怒罵淨闹介淨〕

冯五郎何必太猖狂。招财有万贯尽了怕还乡。他家无别干。学得会烧汤。你来定折本。与我凑成双。〔丑〕元来这等。去了去了。夜静水寒鱼不食。满船空载月明归。〔下小旦怒介〕今日接这个人。你又赶去了。〔淨怒介〕你这反面无情。泼贱烟花。前日怎么奉承我。如今便这等相待。〔小旦〕不识羞。你自不争气。没了钱。却怨谁来。〔占将碗上〕人无害虎心。虎无伤人意。咎姐夫不要恼。再喫这碗酒。教大姐陪你歇罢。〔淨〕妈妈从来不达时务。今日这等好。〔做飲酒吐介占〕大姐。扶他后边水阁上去。〔小旦扶下荒上〕妈妈。扶得去就死了。怎么好。〔占云〕不妨。想他在此打搅。不得了时。方纔与他这碗药酒。酖死了他。后边水阁。正近大江。等到更深。推下水去。咎喜咎喜。这是你自取之也。休要怪我。我这样人家呵。

【北醋葫芦】饶你有黄金盛满车。到得来似汤浇雪。谁教你有钱儿全不想没时节。你贪着凤枕鸳衾锦绣叠。换得个鹑衣百结。这的是下场头受用好豪杰。

〔小旦〕平生只好酒。今死在酒中。

【么】你则与荷锄刘伶争较些。每日价耽图麴蘖。谁知道慇懃呵杯酒有弓蛇。〔占〕这样人弄得个死无葬身之地。〔小旦〕只索向海藏龙宫寻地穴。便是你高封马鬣。不枉了风流浪子自差别。

〔占〕得好休时便好休。

〔小旦〕风流子弟下场头。

〔合〕假饶决尽湘江水。

难洗今朝一面羞。

第三十齣 渡江

【金蕉叶】〔生〕痛伤痛伤。怎教人随波逐浪。天独向野寺凄凉。人谩忆故园惆怅。

〔吴小四〕〔生〕花满空。絮满空。天女裁冰云出工。江寒夜正中。云几重。树几重。上国冥迷楚水东。难凭雁帛通。下官因奉朝命。慰劳张宣抚。回到京江。被金酋所虏。拘幽在金山寺裏。逼俺降顺。几番待要罵贼而死。争奈先人坟墓。尚在山东。妻子不知存亡下落。俺若死了。使文正公之祀斩然血食。岂不可哀。权且隐忍。

偷生。只不屈节便了。虏将季筹。在此监守。这两日左右将校。俱往真州。俺已阴砺霜刃。捱至更深。待他熟睡。手杀这厮。逃走南还。方称吾意。你看那寒天雪景。山色江声。好惨人也呵。

【山桃红】飘风密雪。独夜空江。浮玉荒寒嶂也。古渡渔灯起。野色正苍苍。混霄壤。入微茫。说谩鹤鹭游。驴背吟。羔儿帐也。何似忠臣遥海上。叹身世颠危。触景可沾裳。

【下山虎】〔生〕嵯峨莲宇。灿烂银妆。还璧惭无计。宵閒玉堂。学不得李愬功成。到做袁安卧僵。远望。思归心易伤。百感空悲壮。令人断肠。何况山川非故乡。

〔做听介〕且喜贼将酒酣寝熟。正好下手。〔取刀看科〕鬼雄好向阴风语。怨血教沾匕首红。〔生下提人头上〕

【蛮牌令】〔生〕湛卢锓怎能障。楼兰血溅寒光。膾有孤魂依宿莽。啼落月。啸清霜。却恨那秦庭环柱。儘羞他博浪逋亡。念甘陈于今有光。待阴山还虏名王。

【尾声】天南故国徒神往。隔盈盈一水正相望。何事折苇难航。

天色将明。山僧未起。正好渡江。怎么得个船来。且到岸边一看。呀。远远望见一个小船来了。〔叫介末〕来了。来了。〔生〕待把首级藏在囊中。方可上船。〔末扮梢子摇船上〕

【桃李争放】〔末〕烟际惊闻唤渡。一叶轻移兰桨。

自家江上渡子。这金山寺多有胡人驻扎。日常不敢近前。如今听得是南人声音。把船摇傍岸去。〔见生介〕呀。官人。你要那里去。〔生〕往南岸去。〔末〕这等快上船来。〔生下船末看惊介〕官人。我不渡了。囊中是个人头。你身边一口宝刀。血漉漉的。不要累我。你上去也罢。〔生〕快不要。俺是南朝使臣。前日过江。被胡酋虏在金山寺中。被俺夜杀守者。脱走还朝。渡江到南岸。重重赏你。〔末〕元来如此。请大人稳便。小人即忙驾船。

【庭前柳】〔生〕岐路正亡羊。喜津口出鸣榔。函关人已去。汉阙道何长。〔合〕片帆衝巨浪。正彷徨。问何如访戴行藏。

【前腔】〔末〕血淬太阿铓。看腥污髑髅囊。子龙浑义胆。许褚有刚肠。〔合前〕

〔生〕圣主怀冰愤未消。

小臣衝雪敢辞劳。

〔末〕匈奴自此知名姓。

休傍阴山更射鵰。

第三十一齣 索命

【月儿高】〔小旦病上〕彩鸾凋尽。罗衣久宽褪。秋晚隋堤柳。惭咏黄金嫩。曲局双髦。红销颊边粉。昨日专房宠。今日谁来存问。野草閒花争较春。落尽东风无主人。

〔南柯子〕舞态閒中忆。歌声梦里寻。烟花行迳足伤心。无那三般老病死相侵。鬼症淹难起。孤房冷自深。偏教今日苦难禁。悔却从前错认是知音。妾身自从妈妈谋杀了咎喜。心神恍惚。得这症候。十分沉重。家裏料我不起。再无汤药看顾。做这样人。也是前生业障。不如早死爲强。妈妈今日也不来看我了。神思困倦。暂且早睡一番。〔淨扮鬼上〕

【五方鬼】〔淨〕只爲风流命先殒。鸛夷稔怨越江滨。厚地茫茫将雪愤。申生得请下天阍。

咎喜生前只爲娟奴。家破人离。被他药酒酖死。沉于江中。含恨九泉之下。幸得癸灵大王见了。差鬼使引来索命。思想起来。虽是虔婆杀我。娟奴是祸首罪魁。追了他去。这虔婆先受阳诛。后遭阴对。呀。鬼来了。〔丑〕

【前腔】破浪凌波步来紧。灵旗倏忽转风云。孽自人兴谁管得。还教诅楚悔嬴秦。

吾乃癸灵部下鬼使。只因李娟奴每每到俺大王祠下说誓。口是心非。侮慢明神。欺诱良善。罪恶盈满。差我引取冤家。同来索命。咎喜怎生不见。〔淨见科丑〕此间是他卧房。与你入去。〔小旦惊介〕有鬼有鬼。〔淨丑下介〕

【月云高】〔小旦〕鬼神难信。惊魂已先引。伯有今爲厉。二竖还乘衅。恨我无情。谁将肯怜悯。满目鸳鸯伴。若个堪教同殒。蚕老丝空难爱身。到底辛勤只爲人。

〔淨虚上复下小旦惊叫〕有鬼有鬼。〔占〕著论知无鬼。扪心觉有天。你病势若何。怎生这般大惊小怪。〔小旦〕方纔梦中看见咎喜与一鬼卒同来索命。病已不好了。〔占〕这是心事。不要信他。且到我房中去睡罢。〔扶下丑扮乞儿上〕钱塘江上雪漫天。东郭先生履上穿。十谒朱门九家闭。风流谁识解帮閒。自家一生赶趁度日

。不料酒醉跌折了腿。免不得求乞过活。一向不到李媚奴家。日前多有作成他处。近日又闻得谋死了咎喜。必然怕我。此去定不虚空。李大妈有么。〔占〕天有不测风云。人有旦夕祸福。呀。老解。多时不见。怎生这等狼狈了。〔丑〕因醉跌坏了这腿。没些生意。特来求借。大姐有么。〔占〕不好说。两日病重。方纔气绝了。

〔丑〕呀。可惜可惜。如今快打点送终之具。〔占〕那里讨。〔丑〕也要棺材。〔占〕有钱买棺材。到做件衣服与活的穿了。少不得把一牀草荐捲他罢。〔丑〕葬在何处。〔占〕左右丢去千人坑裏。〔丑〕他与你挣许多钱。心上何忍。〔占〕你莫管。娼家行径如此。〔丑〕又有那个来了。〔淨〕郭璞山经最熟閒。双瞳电掣口河悬。谁知万事皆天定。穴在人心不在山。自家唤做青乌子。地理最高。闻得这人家有丧。怕要寻坟。不免进去。〔见科占〕先生贵姓。来此何干。〔淨〕在下唤作青乌子。善相风水。特来献一好穴。〔丑〕妈妈自有好穴。出不尽银子。〔淨〕这穴不好。是陷人坑。又是千人坑。不好不好。〔占〕我正要这千人坑。先生听我说。

〔西江月〕地理由来玄妙。时人肉眼凡庸。要钱只是改青龙。白虎遂教搬动。铃记时常偷做。尅应偶尔遭逢。既然有妙穴等得富贵呵。自家且去葬公公。指与别人何用。〔淨〕罢罢。你不信便休。方纔你说要千人坑怎么。〔占〕要把这丫头去葬。

〔淨〕我替你抬去。〔丑〕我的主雇。怎么夺了。〔占〕你两个不必争。抬了你罢。〔丑〕把多少银子与我每。〔占〕一钱〔丑〕少少。要五两银子。〔占〕我又不是谋死人。怎的要许多。〔丑〕咎员外便好。不要人抬。〔占〕你抬便抬。不然你自去了。不要在这裏胡言乱道。

【一盆花】〔丑〕好怪你心怀残忍。似猩猩能语。狼子难驯。你这女儿近钱时。见你何等哄他。若醴甘言总非真。成家钱树还忘本。〔合〕荣衣正新。舞衣又尘。看取青春寂寞。雀网闲门。

古人敝帋不弃。爲埋马也。敝盖不弃。爲埋狗也。你这女儿狗也不直。

【前腔】〔占〕敝盖难教心忍。想真娘空望。三尺孤坟。弔客青蝇任爲邻。亲肤蝼蚁从相溷。〔合前〕

【前腔】〔淨〕葬法传来多准。把撼龙神术。顛倒乾坤。你蝮毒天教一生贫。牛眠自祕前冈稳。〔合前〕

〔丑〕莫作娼楼女。

〔占〕从来贱且轻。

〔淨〕生爲万人妇。

〔合〕死入千人坑。

第三十二齣 阳勘

【胡捣练】〔生〕离虎穴。返神京。垂衣我后真明圣。皂盖彤幃千骑整。谩教稽古美桓荣。

月蚀西方破敌时。及早归日未云迟。家山一望空陈迹。谁在谁亡两不知。下官自从金山寺中杀了虏将。复命还朝。叨蒙圣恩。改擢京兆府尹。职守既隆。富贵已极。只不知家中消息若何。前日曾託辛大人寄书访问。待他班师。必有分晓。今日放告日子。且开了衙门。理会政事。皂隶何在。〔末淨〕烟火千家望。公门一日开。饶他全是理。也索带钱来。覆老爷。有何钧旨。〔生〕拿放告牌出去。有告状的着他入来。〔淨末叫丑介〕

【普贤歌】〔丑〕烟花泼妓太无情。人命关天那可轻。今朝赴讼庭。从公爲辨明。免死孤魂悲耿耿。

〔见淨末浑见生介生〕告什么状。〔丑〕告人命。〔生〕打死的。谋死的。〔丑〕临安县咎喜。被人谋死。〔生〕你是他什么人。

【锁南枝】〔丑〕雷陈友。〔生〕那咎喜平日做甚么。〔丑〕他有花柳情。〔生〕在那家。〔丑〕在李媚奴家。黄金散尽业已倾。〔生〕回也不曾回。〔丑〕不曾回去。做佣保坠家声。又被老鴿子李翠翠。把狂药丧躯命。〔生〕药死了。尸首在那裏。〔丑〕沧波底。鱼鼈朋。覆盆冤。待明镜。

〔生〕皂隶。拿李翠翠母子来。〔末应下拿李翠翠上〕

【宝鼎儿】〔占〕凡事作过从前。今日齐来没兴。

〔见生介生〕你这烟花贱妇。哄诱善良子弟。倾家荡产。谋害性命。是何道理。女儿怎生不到。〔占〕告老爷。女儿死了。〔生〕谋死咎喜。是你不是。〔占〕不曾有。〔与丑对辨科生〕两个都上起刑来。〔做打占丑科占认〕有有。〔生〕快供状来。〔占〕老爷。不合我做了这样人。

【锁南枝】〔占〕风云态。朝暮更。〔生〕你怎么这等薄倖。〔占〕娼楼古有薄倖名。〔生〕哄费。了咎喜家业。把他做招财。怎的又把他药死。〔占〕鸕羽岂无凭。爲鹊巢久妨病。〔生〕妨占你家。赶了去也罢。直得谋死。你知罪么。〔占〕天好还。甘典刑。〔生〕该问你斩罪梟首。〔占〕藁街悬。目须瞑。

〔生〕你还有妹子在那裏。〔占〕没有。〔生〕抬起头。认得武林门外的妹子么。
〔占荒介〕老爷。妇人该死该死。〔生〕当初是那个引他来你家。〔占〕是这解帮
閒。〔丑推介生〕再打这厮。〔打介生〕你惯哄人家子弟。亡家破产。皆由于你。
兀自诩仲尼丧家之狗。记得也不记得。〔丑〕老爷。小人该死该死。〔生〕李翠翠
处斩。梟首示衆。秋后处决。解帮閒决脊四十。刺配岚州牢城。左右。都上了枷杻
。押去监了。〔淨带占丑〕满腹神机难缓死。浑身是口不能言。〔先下生〕飞蛾赴
火。自速其灾。下官未遇之时。受此二人无限荼毒。若非吕公。亦不免转死沟壑。
不想今日都犯在我手裏。这忿耻已雪了。只是吕公之德未报。于心快快。今早已曾
差人请他。即时想必来也。〔末扮王便上〕谷利终难去。崑崙久已逋。地餘令复见
。争得拜苍梧。小人王便。前日被俺相公赶出去。走到山东。人离家破。无处託身
。今日相公做了官。定然忆王便好言。不见怪了。不免到府裏见他。〔入见生科生
〕王便那裏来。〔末〕小人被相公赶逐。走到山东潜躲这几时。〔生〕家中如何了
。〔末〕听小人拜禀。

【孝顺歌】〔末〕风尘起。兵刃横。狼吞蚕食多战争。小人到家裏呵。只见鸟雀遍
榛荆。人民异郷井。〔生〕娘子在那里。〔末〕那时兵火满城。人家都四散逃难。
抛家远征。〔生〕到那裏去。〔末〕蚕尾山中。鷓鴣栖定。〔生〕蚕尾山住下又何
如。〔末〕其时海水汎涨。一山人民。多遭漂没了。俺家娘子呵。便是渐水忘符。
垫溺将安拯。〔生做惊介〕有这等事。〔末〕肠刀断。泪雨零。不要说小人。便做
那春燕归不识旧门径。

〔生〕你这话的也不的。〔末〕小人亲到山东。看见蓬蒿蔽野。白骨成堆。果是漂
没了。〔生〕兀的不是痛杀我也。〔倒介末〕相公甦醒甦醒。〔生悲介〕

【前腔】〔生〕神先丧。心暗惊。终天抱痛悲九京。妻呵。你留玦未渝盟。凌波歎
孤影。番成画饼。花诰鸾封。已虚恩命。我如今呵。便舟楫商家。奈苦海波千顷。
肠刀断。泪雨零。怅怀沙夜台永。

明日快请天师。建起黄籙大斋追荐。

【宝鼎现】〔外〕蛟龙终自飞腾。富贵逼人难并。

〔见生介生〕小人贫贱无行。困辱泥涂。多口交攻。鄙薄不齿。老丈拂逆人情。衆
恶能察。翼扶成就。久背厚恩。〔外〕大人美玉明珠。沉渊在璞。时人贵耳贱目。
负谤蒙讥。何足介意。老汉幸有一日之雅。飞黄腾达。于汤有光。〔生〕左右。取
金子出来。〔外〕老汉面领玉玦。今当返璧。〔生〕多蒙留意。〔悲介〕物在人亡
。教我不胜悲感。〔外〕不必愁烦。料无此事。〔末取金上〕剑诛无义汉。金赠有
恩人。黄金在此。〔生〕黄金十鎰。奉爲小生一向薪水之费。白金五十两。与我修
造癸灵祠宇。〔外〕修庙的老汉收去。这黄金决不敢领。〔生〕你说那里话。

【园林好】〔生〕念昔日鱼龙未明。论物色尘埃可轻。多感老丈。引手直从渊穽。怀厚德。敢忘情。怀厚德。敢忘情。

〔外〕如此老汉拜谢了。

【前腔】〔外〕厌藜藿曾同釜铛。饱公餽今馀豆登。始信荣枯前定。都将相。拜公卿。都将相。拜公卿。

【川拨棹】〔末〕叹义侠真堪敬。愧炎凉生俄顷。〔生〕自衔恩骨镂心铭。元振从今有令声。〔合〕这相逢眼倍青。这相逢眼倍青。〔外〕

【前腔】好学成都驷马行。看列戟门牆光彩生。念一家寥落晨星。怕彭泽归无稚子迎。〔合〕越教人百感增。越教人百感增。

【意不尽】怀乡国。滞帝京。想潘岳愁颜难整。白髮新添四五茎。

〔生〕胸中恩怨已分明。

〔外〕名振金闺步玉京。

〔末〕我贵我荣君莫美。

〔合〕十年前是一书生。

第三十三齣 诏封

【称人心】〔外上〕旌旗散采。韬戈卷甲归来。〔末〕三军勇懽生壮怀。载道喧传歌凯。〔合〕丹心匪懈。应甄录汗马勋劳。还展布负暄忠爱。

〔外〕要与中原靖寇仇。〔末〕功成却进手中筹。〔生扮牙兵押淨上〕将军莫话封侯印。惜取沙场万髑髅。〔外〕下官征讨张安国。生擒元恶。得胜回军。且喜已到临安城下。辛总管把三军札住。昨已有捷书飞报朝廷。且待纶音降来。纔可区处。〔末〕前面鼓吹喧天。旌旗夹路。想是玉音来了。〔丑扮使臣上〕

【风检才】〔丑〕帝命忽传上台。细柳营门已开。郅縠堪夸大将才。排香案。听宣差。整袍笏。朝玉阶。

勅两淮宣抚使张浚。总管辛弃疾。卿等奉命克复山东。削平寇乱。实惬朕怀。张浚加魏国公。馀职如故。辛弃疾右监门衛将军福州防御使。并令随朝干办。大小将士賚予有差。张安国弃市。俘囚子女。付京兆尹王商录实奏闻。谢恩。〔丑见外科外〕天使请坐。〔丑〕不敢。宣抚大人帷幄成功。可喜可贺。〔外〕袜线之才。勉奉王命。深媿无功。〔丑〕总戎大人。介胄勤劳。不孤殊赏。〔末〕臣子之职。安敢图报。〔丑〕这便是张安国么。〔末〕正是。〔丑淨诨介淨〕天使大人。方纔诏命。不知圣上如何处我。〔丑〕封你做齐景公。〔淨〕莫哄我。我也不要。〔丑〕这等你掉头归去罢。〔外〕天使请坐茶饭。〔丑〕不必坐。请大人即便趋朝。

【琐髯郎】〔外〕想禡牙昔日登台。指河朔夜渡淮。五兵超乘。万纛齐开。鹰扬虎旅。功兼收蔡。〔合〕喜今朝桓桓天讨靖边塞。论爵赏。迟封拜。

【前腔】〔末〕把苍生命堕颠崖。搆戎狄爲乱阶。移山堪诮。愚叟痴呆。吠尧跖狗。鼎烹难贷。〔合前〕

【前腔】〔丑〕喜令公文武全才。屈羣力无貳猜。风霆迅击。扫荡氛霾。射天蓬矢。鸱鴞先铄。〔合前〕

【前腔】〔淨〕似穷猿押虎啣哀。悔大策招祸灾。雌雄蜀壠。一觉南槐。图王业霸。而今安在。

〔外〕司徒急爲破幽燕。

〔末〕战胜身归拜庆年。

〔丑〕唐史上头功第一。

〔合〕春风双佩好朝天。

第三十四齣 阴判

【北沉醉东风】〔外扮癸灵神上〕清虚殿蛟鲸静守。水晶宫鱼鳖分。鳌山日月幽。虾岛乾坤久。结楼台蜃气常浮。俺呵致雨兴云甚时休。小子做三百六鳞虫贯首。

吾乃癸灵神是也。生居巨壑。职守天台。竭涸九州。封疆自固。沃焦万里。汤沐相仍。垂衣裳。莅域中。凝旒端冕。腾川泽。雨天下。振鬣扬髻。横行都尉。元緒参军。奔走御侮的。多少桓桓赫赫。长鬚侍中。洞玄内史。疏附后先者。岂乏济济跼

跽。湘浦鼓瑟羣。曾共他月明风细。江滨解佩侣。还充俺兰寝椒宫。青精饭螺女供来。紫绢衣蛟人织就。湍回惊日月。任教精衛泥填。浪动覆星河。不怕胡僧火煮。谁云地下无官府。别是人间一洞天。小圣职掌水曹。每年冬月。检校尘中善恶。东京妓女李媚奴。累次到庙。与人歃血说誓。转眼背盟。欺天罔人。莫此爲甚。阳算将终。已差鬼卒率领他冤家咎喜追摄去了。又有钜野王商。当年曾与媚奴说誓。此人是京兆府尹。后当拜相。昨日又来兴造祠宇。奉祀吾神。且是虔信。亦曾差睡魔请来梦中证此阴报。显俺神通。多少是好。〔睡魔引生冠带上〕

【南海棠春】〔生〕真成蹈海流。不似乘桴叟。

〔见外跪介外〕状元登殿讲礼。〔生登殿拜外答拜介外〕状元请坐。〔生〕大王洋海明神。王商尘土下土。得借云阶。已出望外。宠分半席。诚不敢当。〔外〕盖世文章。鬼神所重。君不闻刘向李贺之事乎。请坐请坐。〔生侍坐介外〕状元颇忆钱塘玉玦之言否。〔生〕凡入欲火所恼。冒瀆威灵。望乞赦宥。〔外〕子诚无害。媚奴阳数方终。当受阴谴。屈君证明。以昭神理。〔生〕谨奉神旨。〔鬼卒押淨小旦上〕

【哭虔婆】〔淨〕寻花问柳。轻尘飞溜。文君非偶。颜渊不寿。〔小旦〕无聊莫傍鬼门愁。有言直向龙宫奏。

〔淨问丑介〕鬼使。这傍边坐的是何神道。〔丑〕是阳官王商状元。〔淨〕阿呀。元来是他。〔叫介〕王姨夫。王姨夫。咎喜一向失礼。〔王〕认了姨娘。讨得个死。如今又认姨夫。〔诨介外〕媚奴。你累次庙中说誓。转眼背盟。欺人乎。欺天乎。〔小旦〕啓大王。贱妾虽作娼流。亦有恆性。争奈做龟子鸩儿的。每每逼勒。不能自专。〔外〕从实说来。

【玉交枝】〔小旦〕堪悲掣肘。厄逢辰生不自由。家裏见有钱的。便人奴厮养皆亲厚。〔外〕王状元这等一个才子。也不低了你。〔小旦〕他无钱呵。任才擬鲍谢如雠。做我这样人呵。襟裾虽具如马牛。〔外〕怎生不从良。〔小旦〕布荆怎得供箕帚。〔合〕信穹苍无私显幽。若雷霆难欺屋漏。

〔外〕咎喜怎的说。

【前腔】〔淨〕他如簧笑口。腹肠中包藏虎彪。有许多哄人之法。看谋六出良平手。都是那龟子与鸩儿。坐帷幄借箸前筹。我呵。生惭不省鱼中钩。死悲难学狐丘首。

〔合前〕媚奴媚奴。记得说誓否。

【前腔】〔生〕倾心握手。口血存盟言已休。只是贪恋的不是。谩教覆鼎空号救。直须是染指还收。浪夸金屋如置邮。恐将贝锦污文绣。

〔合前外〕酒不醉人人自醉。色不迷人自迷。

【前腔】〔外〕囹圄自有。歎无知纵横往投。状元。人孰无过。改之爲贵。倘一朝洗濯从无垢。曾何损玉瓚黄琉。达人厉志岂刻舟。狂夫任性终濡首。

〔合前外〕娟奴罚三世爲牝猪。咎喜不惜家产。罚做野鸥。使他漂泊无家。以彰阴果。鬼卒。押赴冥府转轮殿去。〔丑淨小旦〕善恶到头终有报。皇天上帝眼分明。〔下生〕妻子秦氏漂没湖中。久堕幽阴。望乞上圣指引一见。〔外〕贤阍有三载幽囚之灾。向者临危。小圣已曾救取。不久重逢。后有大禄。天色将曙。状元可归矣。

【月上海棠】〔生〕天网周。明明视听无声无臭。念镐池嵩语。神理非幽。纵王勃焚楮难酬。怕温峤燃犀获咎。〔合〕从今后。看取五福骈来。百祥辐辏。

【前腔】〔外〕贤圣祷。修文回赐君知否。羡诗成五字。鬼泣神愁。乐昌镜三岁重圆。太官膳万年堪受。〔合前〕

〔生〕华胥一觉已通神。

〔外〕说与痴人总未真。

〔合〕黄帝孔丘何处问。

安知不是梦中人。

第三十五齣 宿庙

【挂真儿】〔旦丑〕马足车轮愁鞅掌。纍囚裏受尽凄凉。〔占扮俘囚老妇〕帝阙方归。家山何处。〔淨管勾押上〕到此转堪惆怅。

娘子。张安国昨日斩了。俘虏妇女。但从他的。与张安国家属一同没入掖庭。因你这起守志的。圣旨差京兆府尹录奏。各放还家。如今张宣抚把你们羈候癸灵庙裏听审。此间就是。权且廊下安歇。我回家便来。〔衆〕管勾哥。多有生受。〔淨叫〕庙令公公。京兆府一起听审人犯在此。与你知会。我去少刻便来。〔内应〕知道了

。〔淨〕只因丁口累。落得一身忙。〔下〕〔莺声遶红楼〕〔旦〕树树梅花作雪飞。可怜人瘦似花枝。〔占〕舞风飘泊向天涯。高楼玉管催。〔丑〕一带伤心色。苍山抱野庙江湄。〔旦〕红颜憔悴逐征旗。相看髻色丝。张妈妈。我和你三年受了无限之苦。纔脱虎口。谢天谢地。〔占〕娘子。犬羊之类。不识人伦天道。喜得神明默佑。全节全生。只不知甚日得见家鄉。〔丑〕朝廷必有区处。〔旦〕这江空岁晚。古庙荒凉。教人怎不悽惨。

【一江风】〔旦〕冻云黄。野庙澄江上。风撼潮声响。叹孤踪流转西东。似断梗随漂浪。京兆果存亡。双眉锁恨长。丈夫。你便见了我呵。容貌不比往日。这花容不比前日样。

【前腔】〔丑〕到虚牕。鼓角声悲壮。游徼严宵榜。梦难通无定河边。谩有春闺想。无语泪千行。并州非故鄉。小姐。苏武持节归来。鬚髮尽白。我每今日呵。添来白髮也三千丈。

【前腔】〔占〕守共姜。历尽多磨障。纔解兵戈网。你两个似江梅雪压冰欺。不改柯条畅。贞白重寒芳。飘零亦自香。同时被掳多少女子。止有我每保身完节。羞随红紫向东风放。

娘子。且睡一觉。再作道理。〔旦〕张妈妈先请。〔占〕曲枕且待黄粱熟。翘首还看白马来。〔下旦〕春英。前日神明救我。分明说与神京玉玦再逢。今日恰好到京。莫非得见官人之面。寒夜不寐。且去癸灵庙前。撮土爲香。祷告一番。〔丑〕小姐说得是。

【五更转】〔旦〕礼碧空。拈黄壤。斋心致恳详。回生草露昭灵响。南北干戈。相持■〈虫喬〉蚌。鸚鵡笼。翡翠囚。今无恙。鸾钗未合还凝望。望神明保佑。未知丈夫存亡下落。〔合〕生不同衾。死当同葬。

【前腔】〔丑〕夜气清。天坛爽。空虚转彗光。沉幽早冀沾明祝。甘露来苏。骄阳方亢。兵刃锋。道路尘。今无恙。家园桃李悲沦丧。望神明保佑。早早还鄉。〔合〕纵好他山。不如穷巷。

〔旦〕怕明日官来审问。且去假寐待旦便了。

〔旦〕南随越鸟北燕鸿。

〔丑〕身似流星迹似蓬。

〔合〕题柱吹箫两无据。

未知何日得相从。

第三十六齣 团圆

【青玉案】〔生〕象简鱼囊专城贵。塞路拥东方骑。爲问苍天知也未。愁肠万结。家山一望。更玉人千里。

〔昭君怨〕素抹轻云凝练。碧染遥山如线。尽处是吾家。几重游。梦远竹篱茅舍。魂断玉堂琼榭。甚日慰愁怀。且归来。〔淨〕稟老爷。已到癸灵庙中了。〔生〕住了马。

【粉蝶儿】〔外〕忽听鸣驺。想忆旧时丰沛。

〔见科外〕大人临降。老慢不能远接。〔生〕老丈何出此言。下官前日梦中。分明见癸灵大王报应之事。正欲到此拈香。恰有圣旨差我勘问俘囚妇女。元来也羈候在此。事有偶然。〔外〕张宣抚因见这几个节妇。不忍下狱。故此羈候在这里。〔生〕既如此。待我拜了神明。审问一番。〔外点香烛介生拜〕王商久叨神贐。得集体禎。梦寐感通。精爽如在。更望明灵昭格。玉玦再逢。〔外〕大人。老汉有一言拜稟。这里俘囚女子三个。是大人同鄉。一个姓张。两个姓秦。那秦氏根由。颇似大人的事体。〔生〕老丈曾问他么。〔外〕那个女子不肯对人说话。都张妈说知。〔生〕左右。唤巨野张氏来问。〔淨叫外〕老汉且迴避。〔生〕请了。〔外下占上〕

【前腔】万转千回。方吐胸中冤气。

〔见生跪介生〕你是何处人氏。〔占〕小妇是钜野人氏。张安国掳掠。囚禁三年。俘获到此。〔生〕你晓得你同鄉秦氏根由。一一说来。

【榴花泣】〔占〕藁砧怀艺。赴选向京畿。〔生〕回来不曾。〔占〕三岁裏竟忘归。〔生〕家中何如。〔占〕东平叛将盗军麾。蚕山避难。中路有艰危。〔生〕怎生艰危。〔占〕虞罗横罹。〔生〕元来被张安国掳去。〔占〕作俘囚怎脱牢笼内。〔生〕那叛贼曾相犯么。〔占〕亏杀那秦氏与他侍女春英两个呵。誓投崖窦氏同心。张安国见他守志不从。锁春风铜雀双栖。

〔生〕把他囚禁却何如。

【渔家灯】〔占〕那秦氏呵。晨夕裏只待捐躯。抱青锋起卧操持。〔生〕怎么就不

曾被那叛贼污了。〔占〕痛只痛他截断云髻。又把粉容划碎。他曾把衣带自尽。救回赖有神明卫。〔生〕他名唤甚的。〔占〕庆娘是簪缨世美。〔生〕他丈夫姓甚名谁。〔占〕王商良人姓字。〔生〕他是何等人家。〔占〕官户部先朝独贵。

〔生〕我晓得了。你起来。与你这玉玦。待我取问秦氏。等他到阶除之下。把与他看。有甚说话。〔占〕领钧旨。〔生〕左右。取过那秦氏来问。〔淨叫介旦丑上介〕

【金菊对芙蓉】〔旦丑〕故园无期。浮生如寄。〔占〕秦娘子。你看这东西。〔旦见惊哭介〕堪悲物在人非。〔生〕夫人请起。下官无恙。〔生旦悲介〕形容憔悴。出九死尚尔驱驰。〔合〕天涯骤见。眞同梦寐。无限凄其。

〔生〕前日分明梦见癸灵神。曾说救你。不久夫妻重会。今日果然。鬼神之理。不可不信。〔旦〕妾身亦有此梦。〔生〕春英。亏你守志不移。人情所难。〔丑〕只分与主母同死他乡。不意再见天日。〔旦〕官人。你一向在那里。爲甚得此官职。〔生〕夫人。一言难尽。

【剔银灯】自当日龙门抱耻。怯韦布周南留滞。颠危恨落烟花计。亏这吕公济我。喜三策同登贾谊。〔合〕含悲。相看陨泪。把愁闷从前尽洗。

【前腔】〔旦〕遭厄运王纲废坠。逐胡马三秋转徙。流离分作他乡鬼。学令女全贞自刎。〔合前〕

【前腔】〔丑〕江沱贱生何所繫。託臂齿存亡依倚。完名未必论葑菲。也不愧郑玄家婢。

〔合前旦〕你既登第。怎不差人回来。〔生〕当时选了翰林学士。正要差人取你。

【前腔】衔王命山阳战垒。蹈虎尾几遭啞噬。一朝抚剑除凶秽。赏介子功高莫比

〔合前旦〕王便怎生不见。〔生〕他逃去三年。又来归我。前日差往山东。访你消息去了。〔旦〕官人。张姥与妾身有恩。不可负他。〔生〕既如此。带到府中。再作区处。〔令淨叫外占上生〕叫左右。快整轿马。〔淨应外〕老汉相送到府中去。

〔生〕如此也好。〔衆〕五载睽违久。三年患苦深。今朝逢玉玦。胜似岳阳金。〔淨〕告大人。已到府前了。〔生〕夫人。且回后堂。换了衣服。〔旦丑下生〕吕公请坐。〔外〕不敢。〔生〕张姥且在府中住下。慢慢奏闻。送你回去。〔占〕多谢大人恩德。〔淨〕诏书到。〔生接介末扮使臣上〕

【菊花新】传来天语下龙墀。烈妇忠臣世所稀。青简看留题。黄纸且教褒异。

〔旦凤冠霞帔丑随上随衆跪介末〕圣旨已到。跪听宣读。皇帝诏曰。朕惟苾臣贞妇。匪由两途。所贵之死靡他。从一不贰。伟哉人纪。于此攸基。厥有奋志纲常。超迈等伦者。不加褒异。曷以风于人人。尔京兆尹王商。密勿近臣。衔命千里。遇虜不辱。斩将来归。忠孰先焉。其妻秦氏。陷贼守真。毁容完节。并可嘉尚。王商授御史中丞。特赐紫金鱼袋。秦氏邢国夫人。食邑五百户。尔父王份。追赠太师。謚国公。母赠宜城郡君。贞女春英。义士吕玄光。各赐黄金十斤。有司岁给粟帛终身。呜呼。褒崇名器。率由典章。彝伦懋昭。式裨新化。播告郡国。用知朕敦尚之意。谢恩。〔衆谢恩介生旦外与末见敍科生〕辛大人。下官纔见寒荆。圣上如何就有宠命。〔末〕下官在军中。已知大人与贤夫人之事。前日陛见。具表奏闻。意欲待旨下纔来奉报。谁想大人已先会合了。〔生〕多蒙垂念。〔末〕不敢不敢。

【大环著】〔生〕仰三槐华裔。仰三槐华裔。奕叶生辉。念弓裘在吾当力继。恨无良自速身跼危。知过不能悔。天风借吹。去尘埃通藉金闺裏。从今流美。尽忠贤。不遣家声坠。〔合〕此生何幸。否复屯亨。玉玦欢重会。丹书再锡。封衔湛露皆沾霈。赫耀已无比。

【前腔】〔旦〕念时丁顛沛。念时丁顛沛。触犯危机。值豺狼此身遭纍係。誓柏舟矢心不再移。效死成仁义。泉台又回。盼家山有路归无计。遐方毕轨。扫昏蒙日月重开霁。〔合前〕

【前腔】〔外〕信珪璋成器。信珪璋成器。困厄涂泥。洛阳花误他攀月桂。向桐冈已忘鸾凤栖。逆耳言犹记。青云自梯。服狐裘未把绋袍委。前羞尽洗。在穷途顿教增赤帟。〔合前〕

【前腔】〔末〕想鲸鲵吞噬。想鲸鲵吞噬。窃弄潢池。痛贞良屏藩遭覆坠。恨奸雄枳棘成蔓滋。攘袂操戈起。张皇义旗。仗天威一战清边鄙。崆峒剑倚。殄羣凶已得功名遂。〔合前〕

【越恁好】〔衆〕篋金徒匱。篋金徒匱。算章台计已非戒衣襦未及。沉舟可爲。甑还坠。悔何迟。汪洋欲海深无底。荒淫咎子。于今了了堪惩艾。

【前腔】瑜瑕莫弃。瑜瑕莫弃。失干城二卵奇。纵骊黄未遂。伯乐怎知。不得志。勿相欺。大鹏一日同风起。君看厉志。王生耿耿昭英畏。

【馀文】知几补过存忠义。这玉玦癸灵祠记。一扫陈编几处题。

〔生〕双龙阙下勅恩初。

〔旦〕彩凤朝啣五色书。

〔外〕不是君王重词赋。

邑人争识汉相如。

玉玦记终